

湖海樓全集



湖海樓詞集卷第十四

長調 詞 賦 詩 歌 樂 舞 雜 劇 戲 曲 俗 詞 話 本 朝 詞 話 後 學 任 光 奇 重 校 補 遺

秋 曉

帶 月 啼 秋 曉

杳杳秋紅濛濛夜碧
戍樓乍歇疎更宿鳥啁啾遠雞咽
啜野烟繚繞初生水明燭暗聽天外南來雁聲夢迴酒
醒人倚高樓月在前楹
初暘澄澹堪驚纔漾庭柯旋
映簾旌楓栢山林蓴鱸水郭家家軒檻新晴五湖堪長
總莫管天涯戰爭數村橫笛一片西風十載浮名

氏州第一

胡海樓詞集卷第十四

長調

秋日懷東臯諸子用周美成韻

千片芰荷零亂簾捲西風人倚樓小橫竹泠泠峭風歷
歷一碧遠天縹緲非淡非濃颭水國村村斜照中酒心
情欲寒天氣暗催人老 三十六鱗江上少奈無限舊
愁繚繞沙鳥將雛江鳧傍母秋水柴門抱正搓橙時候
也題糕近龍山歡笑寫盡吳牋盼晴空翠屏都曉

詰鼠戲同雲臣作

秋夜燈青窸窣作響先生拔劍而怒鼠輩來前復何敢
爾爾罪誠難悉數蛇虺猶堪耐不耐汝曹偃僂每到更
深觸翻杯瀝動搖屏柱 書籍縱橫遭黠污搏搭到五

車六庫穴內乘車密中漬矢變幻難憑據飲河歸休浪
喜高堂下獄詞先具速付歐刀便幽風也思熏汝

鼠對

帶月啼梁乘夜發屋戴頭人立而語顧謂主人憎予太
甚芥蒂寧因細故窶藪無長物幸託坳堂沮洳昔在倉
中李斯丞相記曾相慕 今日深文何太苦笑作事乃
公殊誤俠不屠龍仙難控鶴僅磔張湯鼠安能久居鬱
鬱化青蝠凌空飛去古洞長松有鼯鼯是吾伴侶

拜星月慢

余不到玉峯三十餘年矣乙卯清明與植齋竹

逸重游是間賦詞感舊

花朵擎來柳絲飄到一陣卓金車子百五韶光襯賣餚
天氣半山上多少蒼松翠檟掩映舞裙歌袂紺岫頰崖
有從風羅綺 捫頰巒劃損苔成字忽暗省三十年前
事幾徧側帽思量記不全頭尾怪天桃仍舊紅如此劉
郎鬢不禁星星矣問今夜細雨棠梨肯替人愁未

花犯

又一體

咏鄆陵蠟梅花并寄梁曰緝侍御

一枝枝未曾經謝黃時早如子霜簾捲處較金縷衣痕
多些香味面面聖檀風外綴萼蹙微籠紫似昨夜侯門

燭滅銅盤堆蠟淚
傳聞鄢陵戰場多問花何偏傍荒
城廢壘拈花嗅形容遍幾番不似多分安陵年少客半
醉後金丸拋葉裏想天上故人鄉夢惺惺長記此

咏竹逸宅內薔薇

弄晴天紅薔十丈盈盈媚初夏鬧花小架恰倒影迴塘
綠水如畫柔條亂舞銀墻罅胭脂千斛瀉籠繡榻低枝
近手偏將鴛袂惹
老松拏雲吼濤聲繁英爭蔓引松
身都化似天半作勢處燭龍將下看灼灼猩肌萬點照
十二樓前渾不夜還則慮晚來風雨紅顏偏早嫁

同雲臣暨南水上人過竹逸齋看芍藥

看君家崢泓蕭瑟門庭寂如水雜花鋪綴任紫艷紅英
圍繞籬次年年步履隨蜂至許多花下事算只有風前
鈴索知人吟賞意今年東吳到詩僧相逢何況又落
花天氣禪板靜相將鬪賦才清綺誰知道百花謝後還
領畧粉香新月底凝望久爲伊凭爇闌干紅梵字

西山晴雪

徧欹崙玲瓏晃耀瑤簋插千點六花飄颻照綺旭溫磨
光彩逾漱遙憐獨騎迷山店禪扉又早掩再好問何村
賒酒吟情遮莫減誰工畫圖論人間除非倩妙手迂
倪寬范潭柘寺雀兒寺粉裝銀蘸羣峯只東偏消早依

舊吐一枝青
齒苔憑欄望
吾狂甚矣
笛聲吹阿濫

阿濫堆曲

名倪迂范寬俱畫中高手

齊天樂

一名臺城路又名如此江山

暮春風雨

小樓昨夜東風到
吹落滿園空翠時
有茶烟絕無人影
好箇他鄉天氣
淒涼欲死見燕剪平蕪
柳拖春水暗省
從前如塵似夢
最難記當年曲院寒食
錫香花更煖
許多情事金斗猶溫
玉釵還響已送愁人
到此也思寬
慰奈把酒聽歌
幾番不是暮雨瀟瀟
記吳娘曲子

驥沙旅店紀夢

坐來冷店思量遍。昨夢太無頭緒。燈影青熒，被痕紅皺，說也惹人悽楚。迴腸千縷，總些箇情懷舊時言語。枕畔匆匆，三更人到消魂處。那人還未憔悴，松兒猶合數。怕兒親與燕子，悵悵柳花，拍拍多分池臺。易主黯然而語。憶鏡裏朱顏，簾前白紵。一片空江響數聲疎雨。

重游水繪園有感

園丁不認曾游客。嗔人繞廊尋翫。紅板橋傾，綠楊樓閉，譜出荒寒一段。看棋柯爛算，往事星星酒旗歌館。深悔重來不來也。省髣毛換。風前又成浩歎。說此間蘿屋有人羈絆。恨極賣珠緣慳。搗藥贏得啼鶻頻喚。扁舟故

國只浩月魂歸清江目斷今古劫灰付日斜人散

吳門吳蓋

仙會客此園歸死梁溪故後段及之

紅榴淚點蘇蘇雨正因此時重五怨結湘纍悲纏騷客

天也為入酸楚孤城蝦虎

吾邑名蝦虎城颺幾陣茶烟一絲髻

縷觸緒沉吟蒲樽懶賞小墀午

看競渡傷今弔古俛仰隨人飄蓬返里蠹盡彩箋新句

流年空度記麝粉釵符舊關心處鎮日空濛戍樓將動

鼓

梅廬花下送潘原白之薊門友人彭城

笛聲樓上飄來細又了一年梅事有客花前作裝縛袴
遙羨五陵佳氣昭王養士築百尺金臺憑空飛起今日
遊燕問誰買駿有如此 彭城有人並舸歎蕭條徐沛
沙淘浪洗長短亭邊淺深杯送一樣故人千里清明上
巳算總是來朝住爲佳耳欲浣離愁倩半江春水

早春壽魏塘柯素培先生

東風一夜漫天綠搓勻柳湖烟水幾樹橫斜萬株香雪
絕稱小樓人倚梅花天氣正院貼宜春釵搖燕子纔過
新年六街已鬧夜蛾未 一輪卿月將滿戟門羣獻壽
絲竹清脆綠蟻難乾碧桃旋放此曲飛瓊能記萱闈日

麗况膝下綵毫承恩天際簫鼓聲中泥金齊送喜

立春日柬高謾園

時謾園
新納姬

御溝流水依然凍東風已窺窗眼韭摘新烟餅堆弱絮
縱有咬春誰薦沉思故苑正萬點橫斜半篙清淺玉臂
今宵料他雙勝也慵剪長安多少羈客除非高渤海
此恨差免喚馬簾間鬧蛾橋上夜景有人拘管俊游灞
澹趲微雪金門早鶯珠館待去朝天翠衾新贖嬾

蟬

高柯一碧無情極誰遞晚來秋信雁塞琵琶鳳城砧杵
髣髴一般音韻悠揚不盡待隔水聽來數聲偏俊譜入

哀絲螳螂捕處倍淒緊 玉盤金掌雖好餐霞還吸露
此事難準帽插豐貂機鳴素縠幾度愁他相溷悄然低
問可仍記當初衛娘低髻仙蛻靈遙料丹青有分

題松萱圖爲姜西溟母夫人壽

憑誰細研吳綾滑貞松皴來蒼窅鬣可挈雲濤偏沸雨
只伴疎梅衣縞霜零雪嫋兒著得書成龍鱗暗老十載
飄蓬枝頭飛去翠禽小 鄉關悄然回首小橋新月下
茅屋偏好肱被輕分江魚遠致長祝歲寒相保清愁未
了再添筆紅萱欄邊斜裊擬答春暉此心慚寸草

遼后粧樓

洗粧樓下傷情路西風又吹人到一綰山鬟半梳苔髮
想像新興開掃塔鈴聲悄說不盡當年花明月曉人在
天邊軸簾遙閃茜釵小如今頓成往事回心深院裏
也長秋草上苑雲房官家水殿慣是蕭娘易老紅顏懊
惱與建業蕭家一般殘照惹甚閒愁且歸斟翠醪

綠水亭觀荷同對巖蓀友竹垞舟次西溟飲容

若處作

分明一幅江南景恰是鳳城深處野翠羅羅嫩晴歷歷
撲到空香萬縷早村人語是柳下溝塍籬邊兒女稻葉
菱絲隔紗長作打窗雨蓮房箭鞞簇簇西洲都蓋滿

睡鴨新乳碧鬢迴廊黃泥小竈幾斛冷泉親煮倚闌凝
佇記罨畫東頭舊尋詩路招箇烟檣飄儂溪畔去

楓橋夜泊用湘瑟詞楓溪原韻

楓橋漁火星星處鐘聲客航仍度微昏簾幕乍暝帆檣
夾岸多於津樹船娘吳語爲蘸水拖烟脆來如許不管
人愁棹歌杳靄掠波去如眉月稜半吐想當年曾鬪
館娃嬌嫵夜市聽鶯春衣撲蝶夢到將圓頻誤鳴珂舊
路問冶葉倡條可能如故撩亂心情化茶烟一縷

畫錦堂

述懷和蘧庵先生韻

我所思兮旁無人者長嘯離墨之陽時復讀書萬卷縱
博千場悲來直攜橫槊舞興來還取素琴張誰相識只
有當年郭翁伯到君章石梁瀑布下神仙窟中饒雁
鷺餘糧我願結廬註易梯几焚香身騎白鶴朝蓬苑手
斟丹液煉飛光沉吟久此意茫然未遂斜日徒黃

清明後一日同緯雲重上玉峯積陰乍霽春女
甚盛詞以紀游

昨日濃陰今朝新霽戲鼓歌扇相宜一路花搖綺幃草
暗金羈空園鞦韆猶未拆小樓香粉已全施春山畔遠
澗縈巖頓添無數斂筭離離城上寺墻外店和烟著

水參差翻借通明簾子映出纖肌堤邊絲柳飄成夢橋
頭新月鑒於眉無情緒獨對裙邊蝴蝶細語移時

石州慢

憶舊用高季迪韻

醉拍雕闌思憶從前淚珠頻灑東陽倦沈多愁多病瘦
軀堪把水市津樓奈他繡被濃香舊時間事偏縈惹顛
倒覓烏絲檢霜毫細寫妖冶此夜蟲蟲會囑監奴歲
貌慢下且趁湘簟銀燈邀人白打摘盡銅籤小婢故惱
人行任他嘶斷門前馬懊惱後堂前又年光換也

夏閨

竹院臨池蕉軒翳日蕭然烟幌送春留病賒秋做惱懶
梳蟬樣慊慊永晝誰令幽夢驚迴偏嫌多事茶爐響侍
女秉齊紈隔紗幘低蕩來往一湖水氣滿院蘭風撲
歸裙上悄覺涼釵委枕簟紋鋪浪起來慵繡將泉戲瀉
團荷憐他葉嫩纔如掌珠滑不成圓却添人間想

題家別駕亦人孝感冊并感舊游次蘧庵先生

韻

昨客睢陽古寺開元水木妍雅我方避暑兄過挈榼一
樽同把詎知別後使君風木銜悽書來雙袖鮫珠惹擬
補白華詩倩廣微烘寫難畫纏綿至性恨抵啼猿感

深封鮓太息鯉湖雁杳遼城鶴化飯僧香積啁啾百鳥
悲鳴靈旗恂怛爲馬盛事徧流傳得之余季也

子萬四弟

自宋來宜述之甚詳

冬日舟過亳村舊居有感

黃葉村中綠水灣頭帆影零亂小橋夾浦依稀認有舊
時庭院小樓還在記得人在樓中而今凝望如天遠烟
裏歇吳船似迷巢林燕 淒戀閒敲畫榜遙指紅墻百
端思徧可惜滿園榭葉半河菱蔓負暄鄰叟兩兩私語
茅簷料他也爲王孫歎搖櫓過前汀驚水禽飛散

南浦

泊舟江口

吳檣晚眺看隔江螺髻碧離離龍虎銷沉無據往事不
勝悲憶昔曹公飲馬對江流橫槊賦新詩羨三吳人物
伯符公瑾年少更雄姿今古茫茫天塹捲神鴉日暮
舞空祠多少南朝事業斷岸矗殘碑月白估船銅斗唱
西風雲水正瀾瀾歎多愁洗馬銷魂偏在渡江時

秋景

戍樓孤眺莽秋雲一片畫難成烟驛蕭蕭易響錯認是
風聲却被沈寥商氣刮一天疎葉舞空城歎釣臺水榭
千年剩址菱蔓繞湖生極望溪山明瑟向楓汀茶嶼

眼徧明聞道樓船下瀨十萬水犀橫寄語魚龍休夜嘯
海門月上定潮平對碧梧紅蓼暮烟殘照不勝情

宴清都

咏楊妃山茶

花在古代香
庵樓下

幾朵僧房吐東風裏胭脂淺淡偷注空王齋院艷陽天
氣紅香盈樹隣娃漫鬪輕盈儘玉茗明粧縞素總輸伊
睡足春酥臉潮分外嬌嬈憑闌小字輕呼花如解恨
暗垂紅筴依稀記得寧王玉笛花奴羯鼓古佛堂西弄
影悵舊日花容何處又夜來細雨霖鈴黯然無語

曝日

雪後同雲盡遙村外早霞一縷紅
暈柴扉纔啟晨曦初
赫凍消霜畛結茆恰傍陽坡喜黃土泥墻簇紫有三兩
溪友山翁窄籬矮屋隣近閒邀趁燠迎暄藜羹乍糝
濁酒新醞沙融澗煖情親話軟無愁無悶路旁多少行
客笑馬首冰花膠髻總不如負旭南榮風光較穩

倒犯

秋日雲臣齋頭同大士展故友蔣瞻武遺墨感

賦

觸眼見官奴數行韭花遺蹟零紈碎墨秋光映碧天如
拭爐熏茗椀幽卉疎花晴窗側盥手驗裝潢梯几看波

渤海樓詩集卷十四
二
磔惋斯人頓成昔 深悔舊時賞慣鵝羣何曾知護惜
記半醉寫徧舞鬟帕江樓壁渴驥勢掀騰極幾何時隣
家吹夜笛總香粉猶存不受蝸涎蝕應遭蛛網織

莊椿歲

賀新城王太翁七十

阮亭先生尊人

王喬家世神仙華顏那藉丹砂駐飄然鶴髮翛然鳩杖
臨風揮塵恰值新晴算來秋到十分濃處看歷城雲物
峭湖烟水偏瀟灑眞容與 况有僧彌法護映庭階琪
花珠樹七葉貂蟬一門鸞鳳兩行鸕鷀最感深知綵絲
欲繡黃金堪鑄羨爐香親染紫泥遙捧作斑斕舞

壽高陽李相國

千年仙李蟠根一枝種在沙堤右金波穆穆卿雲縵縵
小春時候綠髻調羹黑頭補衮人間台斗正宮門絡繹
駝封赭帕頻飛送神仙耐更值梅前菊後喜堯天風
光鋪繡君臣一德夔龍共事太平今又銅柱烟消玉關
雪霽河山明秀願萬年歷上一年一度介先生壽

瑞鶴仙

上元和康伯可韻

昔遊思後苑記天上月圓人門月半六街笑聲滿看火
蛾金繭春城飛遍琳宮瓊觀隨處掛鼇山燈爛最銷魂

深巷殘更小顛門邊雙釧 休羨無多勝景有限芳辰
不堪追玩紅篝熏煖和衣臥誰低喚怪流光一去鈿車
羅帕吹煞東風不轉只玉梅梢上冰輪依然相見

鄒程邨母夫人壽

千金今夜直羨阿母白髮珠袍一色稱觴蓬閭側有南
路豪家東朝貴客華騶列戟向尊前筮篥醉擘倩何人
笑問君家家本難忘易識 猶憶曾陪董相閒過鄒陽
讀書騎射賢哉湛母截髭親爲置食看懷清臺畔夫人
城上無論功名赫奕只膝前有子談天生兒亦得

咏百舌鳥同雲臣賦

綠楊庭院悄正交網篩春綺窗弄曉紅粧枕斜抱鶯枝
頭睨睨信風吹到如簧慢奏遞耳畔那人知道把舊愁
向五更頭說箇綿蠻不了 裊裊咽時逾響溜處偏圓
百般輕巧詎知衰髻貪散誕學莊老入春來猛被花枝
招恨又被禽聲喚惱待來朝索性連他和花都拗

慈仁寺松

爾頭童齒豁又短如翁伯小踰臧紇年高尚存活換一
番兵馬一番宮闕雷轟電掣早煨就秦銅漢鐵任噎歐
萬怪挪揄閃爍百靈恫喝 奇崛種於奚代長自何朝
忘他始末空餘獵碣畧記汝生年月只新來廟市喧厖

蹙踏闌入市場豪猾趁天風鱗鬣狂拏舞場回鶻

瑤花

秋雨新晴登遠閣眺望

青山如黛淥水如羅映眞珠簾罅金闈瑟瑟正青砧隔
院擣衣纔罷登樓遠望見一帶碧雲輕瀉更蕭關征雁
濛濛愁煞江南此夜 幾回搔首沉吟歎今日深秋前
朝初夏流光遞換問何處更覓鈿車羅帕傷心故苑依
然似天涯客舍對秋風強舉金尊又是夕陽西下

竹逸邀同雲臣賞欄前粉芍藥用炊聞詞韻

無瑕虢國有恨明妃一朵千金價盈盈笑靨倩厨中櫻

筓娛他新夏牡丹剛謝了檀板銀罌纔暇又階前婢學

夫人一樣嬌姿瑩夜

芍藥為牡丹婢

參差粉面齊呈愛雪驪

珠欹幽輝凝射露華微綴垂縞袂淺向玉欄低亞折來

謔贈覺洎水風光堪借記芳名似喚將離斗頓沉吟花

下芍藥一名將離

閩蘭

閩蘭

關心往事纈眼閒窗臥浪紋湘簟幾番親記有幽花開

足露條烟臉紫莖頰甲宜相傍疎簾低檻愛風情帶篠

斜欹花乳和茶細點一朝閩嶠烽馳任荔浦雲橫鯉

湖月慘誰憐翠袖空谷裏也作炎荒竄貶而今夏也長

想像幽姿冷艷思陰陰鼓入冰絃指下餘香猶泛

春從天上來

壬子元夕

梁宋飄零臥鄴邑殘橋下縣荒亭聞道今夜海碧天青
人世幾度曾經想半生踪跡歡娛短愁緒星星攪離腸
更翻階急雨只是淋鈴回思春橋夜市對盞盞星球
扇扇銀屏喚馬前情窺簾舊事此際有影無形算除非
夢裏重相見巫女湘靈夢還醒五更竹響半榻燈熒

錢塘徐野君王丹麓來游陽羨余以浪跡梁溪

闕焉未晤詞以寫懷

烟月杭州記徐卓當年詩酒風流水市露井桂漿蓮舟
老鐵吹裂龍湫奈十年一夢斷橋上落葉颼颼恨年來
只無情皓月猶挂湖頭 王郎清歌絕妙邀白髮詞人
同下長洲瑟瑟丹楓濛濛白雁秣陵總不宜秋歎龍峯
歸後人去遠烟纜難留漫登樓數枝殘菊還替人愁

壽玉峯徐太母同青際賦

林澗逶迤正翠陌纔晴綠水微波昨夜月裏羣玉山頭
無數鳳舞鸞歌恰霓裳入破天風緊音節柔和簇華筵
更禽囀迦陵花雨鬢陀 階前宮袍作隊都不是尋常
獸錦龍梭百歲紅萱三枝瓊樹天邊樂事誰過向蓬萊

西笑碧海事別後如何問姮娥蟠桃開處依舊紅麼

金盞子

咏燈

一盞紅缸灑玉膏鴛綃皺處偏凝春夜照梳頭蓮籌杳
淒清牙蒜犀釘便教煎盡銀荷奈芳心耿耿敲翠竹悄
喚綠翹簷前蘭燈將暝喚遍無人謦且獨自纖手靠
粧臺挑鳳脰宛轉處重思省當時風細人靜曾偎壁帶
流蘇剔銀缸潛等紅裯冷空對並蒂燈花怎生相稱

安平樂慢

晴郊紀勝

春水如油吳船似屋較他亭館還多燕翻油幕鳥啄銀
鈴分棚占斷晴坡花面梅粧看帽縈竹粉袂掠蘭莎蜂
蝶媚春羅成團打塊婆婆正春壓歌塲花擡酒價半
天戲鼓嗟峨曼衍魚龍徧念奴悄試一聲歌急拍將闌
攆瑜畔暝翠微波春游晚半城夜火盈盈細馬雙馱

雨淋鈴

秋過城南蔣氏園亭追憶瞻武并悼吳傅星又

鄴許墳友諸子

斜陽城闕晚秋行散偶爾游歇故人曾有池館風簾零
亂鏡湖超越花朵柳絲如畫映秋水林樾更三五知己

流連河沒參橫浩歌發 笛聲隱隱霜空濶廿年餘往
事星明滅如今園裏只有荒井畔蟪蛄悲咽滿目山陽
催得盈顛種種華髮最惱是綠水橋邊尙挂當初月

還京樂

送敘彝上人北游

綠楊外瓢笠蕭蕭喚渡春江尾想此情猶戀齋厨櫻筍
山園桃李向津樓斜倚隔花鞭影回頭指隱隱見四百
八十南朝烟寺 問師何意將三春錦片年光擲與江
東野外沙際况逢連歲關河滿斜陽荒亭衰壘怕他年
又紅鯉無書金鴻少使欲倩神僧咒爲君禁住流水

萬紅友養痾僧舍暇日戲取南北曲牌名爲香

廬詩三十首用填此闕寄跋卷尾

碧苔紙更用成都粉水桃浪研鬪松綾織膩韭花字格
閒吟閒寫恰翠承朱亞澄心紙鎮銅臺瓦孝穆管爭願
化作珊瑚爲架 想僧廬暇竹籬邊行散間招仁甫酸

齋

白仁甫貫酸齋金元院本中高手也

水際月下共取趨拍牌名與三唐

較量聲價似繽紛簇蕃錦成紈侯鯖製鮓歷亂紅么點

江村蠻豆盈把

紅友自署江村山人

春雲怨

泛舟過顯德寺逢友人同坐僧寮茶話

春山六幅和山前春水朝來齊綠指點前村古寺隔水
經幡烟際矗竟買蜻蜓斜穿畧徇搖皺溪梢一痕玉隱
隱鐘聲迢迢僧語風亞半墻竹 遙青媚寺添幽獨意
中人恰到吟情倍足小院松濤又將熟笑向空王十載
塵襟一時盡沐斜日歸莊落紅成陣依舊閒愁萬斛

喜遷鶯

咏滇茶

胭脂繡纈正千里江南曉鶯時節絳質酣春紅香寵午
惟許茜裙親折小印枕痕零亂淺暈酒潮明滅春園裏
較琪花玉茗嬌姿更別 情切想故國萬里日南渺渺

音塵絕灰冷昆明塵生洱海此恨擬和誰說空對異鄉
烟景驀記舊家根節春去也想蠻花犴鳥淚都成血

雪後立春用梅溪詞體

絮飄綿糝正六花罷舞晴光初繡凍解蛾融雨收鴛潤
煖被笑聲烘就儘紅情綠意倩釵上綵幡輕逗春信淺
似纔青燕尾欲黃鶯脰 俛首空感舊暗省年時有箇
人清秀帕裏柑兒衫籠松子淺立粘雞屏後別來情事
改慙慙也渾如殢酒剩倦影與野塘小寺早梅爭瘦

清明前一日陪史耳翁飲雪持齋頭

晴簾乍浣被燕蹴紅英遞香窗眼漸漸溪橋迢迢楊柳

一半黃輕綠淺風弄鞦韆不定日煖蘼蕪何限春醪熟
囑東陽愁緒暫時分遣 早晚南陌上繡幃雕輪依約
何時斷千載魚燈五侯蠟燭贏得三春夢短從古禁烟
時候祗博鳥啼花怨無聊賴把粉箋細寫傍人休管

排悶和雲臣韻

憑高指顧歎野水增波故陵無樹萬疊金笳千尋鐵鎖
依舊大江東去休管周郎安在便覓桓溫何處長嘯罷
怕永嘉草草不成南渡 遲暮縱有日採藥蓬萊恐被
神仙誤姚女難歸羿妻不返歲歲亂紅迷路悶把唾壺
輕擊愁對寶刀低訴空城下聽寒潮徹夜魚龍聲怒

華漢章招飲聽蘇崑生度曲

風簾霜院有一泓晴秋暗紫窗練酒辣侵唇菊香撲鼻

黃雀紫蠖初薦正值客心悽處那禁夜烏啼斷絳蠟底

恰白頭賀老江潭重見離怨言不盡水市燈昏試取

檀槽按宛雜家鄉武昌樓櫓往事暮雲分散蘇中州人又常客左

幕愁似長空颺絮淚比真珠脫線君休唱惹青衫濕

了再無人管

石濂和尚自粵東來梁園爲余畫小像作天女

散花圖詞以謝之

月明珠館有帝釋鬘陀身雲散滿鮫國旌幢鬣帆笳吹

萬疊雪傾銀濺裝罷紅棉粵嶠看足蒼楓梁苑饒能事
儘微皴澹抹黃深絳淺篋衍有一卷細膩凝脂三尺
松陵絹少不如人師須爲我畫出髻絲禪板旁侍湘娥
窈窕下立天魔蹇產人間苦悵碧桃花謝洞天歸晚

立冬

西風忒峭把似錦濃秋霎時都掃林影添黃潭痕減翠
易損他鄉懷抱甕頭索郎未熟全口獵徒還少燕市畔
漸消寒九九排當畫稿那曉人世事月令歲華慣是
田家好摘菜淹菹燃糠煨芋夜火村村打稻惆悵年來
殘夜催著朝衫偏早憑誰說向茅簷曝背溪南詩老

探春慢

連朝大雪計桐初尙未達東阿也詞以憶之索

京少戢山和

四野瓏鬆一城飄瞥滕六作黃塵舞低閣憑闌遙天策
騎人在最微茫處會對君家說且看了春燈方去那知
一夜離情六花頓釀如許雪沒中原無路料尙隔東
阿幾程烟樹冷驛搖鞭亂山卸馱酒向何村貰取暹暝
投山店衾似鐵一燈無語夢入江南小庭梅萼初乳

新正四日東華門道上同徐電發並轡作

冰泮金塘雪消碧瓦已將春霽閒作畫鼓敲時繡旗颺

處輦道晴絲嬌情遼后粧樓在記樓上朝天梳裏如今
白玉欄杆無數燕泥輕墮 詞客吟情無那怕路近天
家鞭影微躡一抹斜陽幾朝禁苑墻下橐駝閒臥縱到
花開日問曾否連昌上鎖多少新愁恰被宮鶯啼破

綺羅香

清明感舊

綠水樓臺青春院落又是韶華百五餽粥榆錢過了匆
匆時序怕今年玉剪來時是去年鈿車停處最難憑輕
煖輕寒天涯羈客甚情緒 少年此日嬉游有窺簾綺
態當壚俊侶一自飄流冷落天桃門戶西樓外幾陣鶯

花北邙上一堆羊虎向斜陽斷碣殘碑多少橫官路

初夏連夜於許茹庸仲修席上看諸郎演牡丹

亭有作

許椽多情清和佳節連夕嬌歌妙舞料得眉峯碧到愁
時都聚記昨宵銀瑟初停又此夜紅牙再補看一羣燈
下諸郎依稀盡解此情苦 獨有江東詞客爲家山路
遠倍增淒楚回首朱門畧記蟲娘庭戶好院本全部笙
簫沒心情半生羈旅比年時攜手聽歌多了黃昏雨

咏海棠

褪盡梅粧飄殘杏靨春事今年恁快滿樹紅綃已把小

樓遮礙三分醉午酒嬌痕一味嬾晝眠慵態記箇儂萬
里家鄉西川遠隔蠻江外惜花燒盡銀燭花亦相看
熟慳慳長在著水啼烟鎮向餘寒忍耐纔深蒼帶雨斜
開又前街提籠爭賣惹人是幾陣春愁撚一枝誰戴

咏落梅

滿院濛濛半園寂寂萬隊銀鸞齊跨壓帽籠鞭無數檻
邊廊下驚夜靜粉淚難乾趁陰重冰魂易化更憐伊漱
雨梳風樓東頰玉粧初卸有人剪燭偷照腸斷紅香
侶憶他嬌姪拾取盈盈和麝題封綃帕記當日冷淡交
情付他年水天閒話空遺下瘦榦斜枝向橫窗暗寫

咏櫻桃

小摘勻圓低擎嬌俊萬顆輕紅同瀉綠葉陰濃正值江
東初夏茜裙濕裏處如無珀盃滑盛時欲化正小樓樊
素偷含丹唇比似誰真假 熟時江岸野館曾壓他低
帽籠他細馬此際重拈試與端詳嬌妩休還問紫禁金
盤最難忘紅窗綃帕入手更和淚相看鎮胭脂盈把

春日咏蘭

離墨山前善權洞口一逕紅蘭堪藉露眼如啼掩冉溪
莊水榭趁雨摘螺黛青分帶烟采蝶裙碧化妬歸樵滿
擔清芬日斜纖手剛盈把 紫莖暗數漫剪還取春泥

壘粉紅墻罅午困粧餘慣是向人沾惹被玉軫彈上銀
蟬向犀奩和些冰麝待閒裏焙入龍團小窗供夜話

咏薔薇

樓外金墉巷頭銀井隱約非花非霧一片胭脂祗許鶯
梭穿度怯攀折綠刺潛防賣窈窕紅情暗與隔綃窗背
著鞦韆朦朧最是竊香路 小拈螺子鈿盒將露華傅
體帶他鴛侶一架薔蘿重取殘春填補看裊裊風裏腰
肢是盈盈夜來情緒誰悄把繡譜親描惹墻花漫妬

龔節孫錄余所選今詞賦此奉柬

浪打新亭霜飛故國誰許詞場稱霸紅豆金荃漫向夜

深膽寫半閒鈔酒館銀墻半偷傳粧樓羅帕到如今粗
比牛腰叢殘卷軸蝸涎挂太息韋莊牛嶠問如何偏
遇極天兵馬珍重君家重覓蠻牋細研看殘秋滿篋香
詞是老夫半生愁話囑宵闌好護烏絲莫使缸花地

題宋旣庭小照

圖作長松竟幅

昔夢都非舊游頻換秋夜一燈吾汝彩筆憑陵壓盡曹
滕邾莒曾見說猿臂難封又聞道蛾眉工妬任紛紛項
領兒郎薰香剃面畫衣袴誰將東絹一匹敝銅身鐵
鬣翠交蒼互子落濤鳴下有幽人箕踞看幾簇露葉烟
條經幾場落花飄絮鎮朝昏吟雨啼風慣爲渾脫舞

眉嫵

壬子除夕

又殘更冉冉往事星星短髻被霜染夢入屏山路黃昏
近金荷一盞慵點濃陰微糝任小樓和雨輕掩算今夜
笑語香街沸有春勝雙颺 思念愁多類魘記簾窺秀
黛柱映嬌臉詎意分飛後相思苦淚滴桃笙紅淡長江
天塹况萬重敗驛荒店料此際有人只為我翠蛾歛

花心動

二月八日微晴同雲臣過北郭外訪寒松上人
不遇紀事

薄靄新暘翠禽啼綃窗乍催人醒弄袖風微印屐泥乾
村館酒旗低映相攜緩步迴塘上尋春寺聊添吟興畫
溪尾葡萄初漲遙川綠竟 叩罷禪扉誰應剩花底經
幡烟中齋磬竹院因循水郭遲回忍負雨餘妍景春衫
且把橋欄倚閒數徧碧紗官艇前溪裏一行社歸人影

Vertical columns of text, likely bleed-through from the reverse side of the page. The text is extremely faint and illegible.

湖海樓詞集卷第十五

長調

邑後學任光奇重校

瀟湘逢故人慢

題余氏女子繡柳毅傳書圖爲阮亭賦

龍綃一幄有靈芸針線刺鳳描鸞秋水漾波瀾正洞庭
歸客憔悴思還牧羊龍女恰相逢雨髻風鬟看多少沙
明水碧一天愁緒漫漫却又早來橘浦見兒家綃宮
璇闕生寒貴主下雲端更箱開青玉珀映紅盤海天良
夜論恩情可似人間繡到此料應長歎眉峯斜蹙湘山

送王亦世歸漢陽兼寄懷人

西風湘楚正湘竹如啼湘禽如舞湘岸飛湘雨更淥水
微波青山可數幾幅烟帆採不盡白蘋紅杜想此際仙
令歸艫一派江山今古 女娥祠巴子國看歷歷晴川
萋萋芳樹風外催津鼓恰人在洞庭秋盈橘浦官舫瑤
琴總彈破沙清月苦倩楚塞白雁同歸并寄阿戎此語

夏夜對月用王和甫韻同蘧庵先生賦

水輪將滿看光生兔臼冷透龍窩水烟漾春羅看今夜
都浸一片金波流螢的的趁月明低坐庭柯倚江閣一
聲橫笛扁舟驚醒漁叢 閒回首追往事歎年華盡從
離亂經過短髯漫婆娑怕明日秋池又颭枯荷江南風

景休孤負且放狂歌還尋取東京故老晚涼閒話宣和
盞盞小九日前一日竹逸約同雲臣雪持諸子石亭探
桂

今秋吟艇隨沙鷗浦鴨仍泊前灣桂香漱潺浚訪樵徑
乘醉小叩禪關藥欄菌閣好排當竹翠苔斑喜今日山
靈貺我秋晴竟不曾慳晚粧好銅峯髻且迴舟停橈
細認烟鬟泝落葉哀湍喜碧鱸薦俎紫蟹堆盤狂歌脫
帽凭舷叫奇絕溪山殘年約撈蝦牧豕終須置我其間

二郎神

春寒感懷

餽飮天氣況是天涯羈旅
悵悵類浮萍飄泊久傷情處
黯然無語且檢紅綿燈下
看瞥見了深閨針縷想當日
執手叮嚀預料春寒如許
凝佇沉吟欲著幾番推去
任春衣紅藤箱底閣甘領
受疎風嬾雨擬向春江傳此
意奈江上雙魚無據恨點
點楊花疊疊青山遮人歸路

玉蘭花餅

東風寂靜幾樹珠明雪映
低亞玉羅窗篩碎小鞦韆影
陰晴難定粉樣衣裳休
黜了怕惹起香閨春病
向花下盈盈小摘付與當
壚說餅嬌靚薄抵蟬紗
圓踰月鏡想厨娘指螺紅
一縷牢丸上纖痕猶凝粉
殘莫悵佳人

命相賞有金尊綠茗也省到鵲啼萬片飛瓊拋街填井

吳菊月中桂

謝春瑛詠丹桂

月姊粧成向銀河淺灣自瀉脂盞紅芳漱灑早西風篩
上幾堆金粟緋衣梳裏好乍卸却厭禳粧束偏罩秋籬
外望來絕似雁背夕陽幅幅纍纍絳綃微蹙愛瓏璫細
纈相間黃玉枝頭桂父想夜來微醉臉霞初足仙翁顏
渥赭帶笑睨嬌娥幽獨縹緲天香滿銀蜍擣來丹臼熟

謝前永遇樂

京口渡江用辛稼軒韻

如此江山幾人還記舊爭雄處北府軍兵南徐壁壘浪
捲前朝去驚帆蘸水崩濤颭雪不爲愁人少住歎永嘉
流人無數神傷只有衛虎臨風太息髯奴獅子年少
功名指顧北拒曹丕南連劉備霸業開東路而今何在
一江燈火隱隱揚州更鼓吾老矣不知京口酒堪飲否

東溪雨中修禊

錦纜籠沙紅欄委浪一碧無際催暝鳩啼拖涼苜滑隔
浦春寒細蒨裙令節偏將絲雨添滿一川空翠便教他
冥濛滴瀝正應恁時修禊年年此日酒痕花淚零亂
俊遊衫袂水上麗人山陰修竹往事都休記莫停檀板

且俛紅袖此會後賢應繼歸來也明朝花下問他晴未
題惠山松石

虎踞龍僵獅蹲象偃人立而僂鐵幹盤拏銅根倔強勢
欲排天去老苔秋縛怒濤夜吼捲盡蒼茫今古鎮支離
千圍古翠祗容冷雲堆絮誰眠其下却驚石丈橫礙
松根蟠處鳥雀呼風兒童敲火碧滙千鐘乳銅駝頭角
石鯨鱗甲噲等何堪信伍看月下頽然二老幻成翁媪
送園次歸吳興和澹心韻
古渡西風亂山落照明日將雨手內金樽橋頭畫艇漸
到消魂處踏臂狂歌掉頭長嘯萬事總隨花絮歎英雄

古今無主夜來酒邊曾訴
路出橫塘船經夾浦莫問
師師舉舉且減柔情還憑老手只種金城樹學士山邊
醉翁亭在多少名賢來去喜到日一湖碧浪全家團聚
馬殿聞太史招飲兼以軒中遣懷詞見示卽用

來韻奉柬

碧浸籬門青粘屋角風葉鳴路山後池塘水邊簾閣色
染瀟湘雨鳴闌鹿柴音柴棕鞵桐帽閒數花鬚微步日長
時據梧捉麈清談大有支許金門賜澣玉堂延客過
賞蕭齋烟樹綠筍朱櫻金蘂雪鱸臨別重牽住少焉暝
結且隨漁唱搖艇悠然而去還相訂頻將香茗共消晨

暮

健庵立齋雨太史步過半繭園九來有詞紀事

余亦次韻

映竹爲園借花藏屋壘石成路綠水闌干黃梅庭院翠
滴衫邊雨蓬萊人物峨眉兄弟小覓池亭幽步問誰將
荆關粉本蕭齋畫得如許徘徊徙倚墊巾脫帽隨意
臨流選樹啜茗桐陰攤書蘚磴聊伴沙鷗住斑斑雨點
陰陰麥浪分付棕鞵歸去柴扉掩風燈颭夜水鐘敲暮

歸朝懽

壽馬殿聞太史五十

幾載日華東畔住吟盡上林盧橘樹暫因休沐卧家園
舍傍別築鶯花圃曉峯晴可數玲峴小髻添嬌媿羨風
光鯨魚吹雪紫燕畫梁乳 水榭潭香生一縷閒課雛
童煎日鑄定蒼翠滑最憐渠南華且了朝來註掃花蓬
島侶羣驂鸞鶴階前舞願年年朱顏綠髮雙向鏡中駐

霜花腴

蟹

雁行陣陣帶夜來西風觸響簾鉤偏值新晴且謀小飲
霜螯最是宜秋晚軒更幽點吳羹玉腕纖柔笑人間萬
事鴻毛知他何物是監州 爾雅讀來須熟莫移封彭

越作內黃侯淺傅紅糟低斟白墮春醪灑灑光浮菊花
部頭被絃聲郭索輕偷待微酣半捲風簾催人同倚樓
送入我門來

釀酒

金陵臬署作

悶倚牙屏慵拈兔管家鄉瑣事縈懷遙想霜簷羈緒最
難裁村村燈火收紅糯便小瓮鵝黃次第排糟牀壓夜
悄眞珠碎滴響亂蕭齋今日情騰早睡料得釀玉事
業不到吾儕夢渡溪橋短策破蒼苔經過藥玉盈缸熟
併一路梅芬撲鼻來算東風將軟酒旗漸漾映水沿街
丙辰除夕雪用草堂原韻柬里中數子

海濱本言集卷十五
六
爆竹驅讎縛船送鬼飢腸鳴鬪春雷楫楸爐紅荆布漫
相偎一年陳事騰騰去被玉兔金蟆曉夜催山城內多
少釵幡翠剪樓幔紅開 況是六花披拂阻隔狂朋俊
侶吟笑誰偕愁譜淋鈴絃促柱全摧情悰悽比商船婦
又畧似飄零曹善才幸東皇解送梅魂雪魄入我門來

尉遲杯

別況

春江上見瀾瀾濛濛飛碧浪草間珠露猶垂岸左紅蘭
纔長東風斜日小玉門前纜烏榜正離人好夢初醒雙
擁紅篝凝想 因念十載漂零長則在水驛烟程來往

手把金尊和淚說，枉說是畫眉張敞。如今便花開花謝，
祇憑得紅襟梁上，講送郎行。獨凭小樓櫓，聲水面搖響。
遙和雲臣秋夜觀演雜劇之作

飄紅穗正夜靜，蠟影昏如醉。想曾秋院聞箏也，向春城
拾翠。如今惘惘樓外雨，和愁小門閉。向空王禮淨名經，
懺却脂香粉膩。聞說今夜誰家有年少，羣羣舞衫花
似咫尺。銀墻天樣遠，情緒嬾慵騰。思睡正夢著鬱金堂，
後那年夜橫波珍重意。又風吹隔巷嬌歌，夢游驚醒難
記。

許月度新自金陵歸以青溪集示我感賦

青溪路記舊日年少嬉遊處覆舟山畔人家麾扇渡頭
士女水花風片有十萬珠簾夾烟浦泊畫船柳下樓前
衣香暗落如雨聞說近日臺城剩黃蝶濛濛和夢飛
舞綠水青山渾似畫只添了幾行秋戍三更後盈盈皓
月見無數精靈含淚語想胭脂井底嬌魂至今怕說擒
虎

合歡帶

爲吳陵宮掌雷賦催粧詞

羨緋羅燭吐銀墻燈影背響鳴璫夾路如花還似霧戟
門前步步荀香劇憐春夜花融錦瑟月亞金堂況畫眉

夫婿清河小弟杜曲諸郎
紗籠徐引繡幕斜張藍橋
擣就元霜瓊島仙花偏並
蒂珠簾畔一朵笙囊朝來
更喜五銖裙細百子釵長
問傍人宜稱何如生憎喚
作宮粧

花發沁園春

月夜布席綠萼梅花下同友人小飲
借月爲花將花做月濛濛一樹皴玉銀椀篩春瓊簫煖
夜值得珍珠幾斛冰肌睡足更掩映生綃六幅念月姊
徹夜孤寒梅妃自小幽獨花影風搖簌簌任春城夜
闌畫鼓頻續金爐燼處珠斗斜時月與梅花微綠清輝

滿目揅吹滅枝枝銀燭夜深沉我醉休扶和月和花同宿

二郎神 第二體

咏梅子

一株梅子正纍纍粉紅牆後問葉底枝頭爲誰酸楚却
又爲誰消瘦太息春歸誰來問記不起鶯花如繡向杏
香簾櫳陰陰院落伴人長晝 纖手幾番小摘已醒殘
酒更撚向粧臺玉娥低說曾見依稀如豆翠已漫空黃
偏做雨又到傷心時候算顆顆冷香鬆脆想爾料難勝

口

漱香詞小篆林曲韻

春霽

春寒撥悶作

三月吳天那肯碧帶暝連陰做黑簾閣空憑角巾長墊
心事對誰人說尋尋覓覓城南行遍還城北向甚處問
取酒旗歌扇舊踪跡算是除却社燕堂前今朝更無
一箇相識悶無聊豪情不禁當街倚醉拓金戟一任酒
狂喧巷陌怎奈易醒不如歸擁羅衾慊慊睡過一年寒
食

秋霽

本意

步屨欹斜向黃葉村邊閒眺晴綠水映漁莊霜明菜圃
陣陣寒鴉落木遠空乍沐好峯數點修螺矗更窅窅極
浦淡沲帆影織千幅 憶昨素舸汎汎長淮水涼燈昏
和雁同宿夢家鄉西風菰米炊烟晚斫鱸腮玉夢醒葦
花聲簌簌詎意此際故園潑眼秋光一杯雪蟻幾枝風
菊

送江辰六之任益陽

綠染熊湘正翼軫之旁一點星小鹿走晴巖鷓啼斑竹
細雨黃陵古廟江山未老又逢仙令栽花到官閣外鄂
渚昭邱彌望總殘照 去去定遇新月巴船夜闌櫓聲

觸醒沙鳥徧江鄉
白蘋紅杜客愁應
並楚天杳此地西
風知倍早君更爲
我試問陶侃當年
空灘戰艦尙餘多
少

西河

春日偶過亳村故居

前村裏落梅陣陣
風起舊家池館暫
經過玉欄漫倚粉
英也爲主人來雨
中和淚梳洗 畫簷
損月榭圯薜蘿
蛺蝶盈砌頽垣敗
井劇關心那能遣
此賺人連夜卸烟
帆半篙埋怨春水
一天絲雨灑不止
總難尋舊日鄰
里祇有點波燕
子上雕梁絮語墨
花簾底似話王家
當

年事

中秋前二日紅友有愛女之戚詞以慰之

西風下幾聲冷雁如話涼雲疊疊暈輕羅淒清難畫左
家嬌女本盈盈紅珠掌上無價 記學母將眉畫金瓠
蘭支其亞簪花蠶尾字偏工黛痕瀟灑有時鶯上綠窗
啼風蘭烟柳偷寫 月娥小別閨苑夜最難忘冰館瓊
榭耿耿彩鸞思跨趁秋宵海上冰輪高挂叢桂香飄人
歸也

西泐落暉

傷心事碧雲黃葉天氣漫登粉堞望溪山戍樓悶倚茫

茫不覺百端來暝烟暗結津市 銀濤吼紅日墜老楓

烘得如醉無情肯逐水東流只貪西逝臨風太息語陽

烏長繩縱有難繫 估檣競轟野岸底說胭脂落照相

似明日大風定起且移船泊入前汀蘆葦卧看新蟾銜

沙尾

諺云日落胭脂紅無雨定多風

解連環

感遇和雲臣

槌牀抵几看九州蕉鹿千秋槐蟻總若輩炙手熏天歎
不殺袁劉依然寒士臣醒而狂笑不值一錢程李問舊
年朱戶幾徧重經都剩衰壘 何如沾沾自喜只竹弓

射鴨芒屨驅豕玉顏石髓難留拚老去瑯琊終爲情死
拍手狂歌正天畔暮山秋紫近重陽螯肥釀熟醉爲佳
耳

暮秋看窗前杏花

碧秋澄澈把江南染徧是他黃葉忽一朵半朵春紅也
淺暈明粧薄融酥頰簸雨籠晴笑依舊茜裙微摺只夜
涼難禁露重誰忤蛩語淒咽回思好春時節正桃將
露綬蘭漸成纈樓上人醉花天有畫鼓銀鬢寶馬翠埒
事去慈恩枉立盡西風閒說伴空濛驛橋一帽葦花戰
雪

奕用片玉詞韻

瀉湖樓託面荷塘杳靄柳陰綿邈有一帶海素籠窗恰
臨水倍明比烟尤薄晝困心慵便絃上懶調郭索且呼
朋坐隱留客手談聊代行藥 花陰半庭闐若漸局中
爭劫枰上侵角靜覺一派蟬聲將殘燠餘炎耳畔銷却
爛了樵柯怕又謝蓬萊桃萼悄無人萬松沸處微聞子
落

再咏奕用雲臣原韻

荷香清煥更松風滿院簷鈴戛觸有數客清晝圍棋儼
地割袁曹疆分楚蜀布算凝思漸髣几光連幽竹笑都

無下意斂子收奩只倚空局 須臾山飛海覆惹旁觀
爭看枰際紛逐料得橘叟功成怕枕畔黃梁定已炊熟
何似安眠且輟戲閒消三伏任人猜奕家劣手阿奴碌
碌

送孫愷似孝廉南歸愷似陪使朝鮮曾輯採風
一編載彼國士女詩詞畧備故後半闕專及
之和李武曾韻

渭城朝雨怕聲繁拍促淒如結楚誰砌滿黃葉中原恰
暗捲歸人渡滹沱去萬里槎程曾透過龍荒小部憶下
句驪國慕華樓下醉呼鷹處 采風一編竣否記斜行

小字驚鴻跳虎中間一幅苔牋是貴主婷婷摩訶避暑
不信蠻姬也解唱謝庭花絮儻書成釐正闕文休刪夏

五

采風集中有朝
鮮婷婷公主詩

望明河

丁巳七夕玉峯作

明日
立秋

冰輪尙缺已耿耿流輝盈階鋪雪潭子空香較蓮子清
芬兩般誰冽荒唐稗史話認做是鵲橋佳節惹無數樓
上穿針兒女凭闌低說 風前老顛欲裂問青海幾處
玉臺銀闕明日西風怕點上許多無情華髮碧簫吹來
破又躍入龍堂變精鐵喚他起須伴狂奴醉舞冷光潛

擧

飛雪滿羣山

本意次宋張榘韻

纔訝悠颺俄驚飄瞥明駝皓鶴齊還銀房壓疊瓊濤滌
泫失却天半烟鬢玉參差成頃都釀做吳江暮寒無聊
又聽誰家畫角吹入小屏山 記得潼關前歲發一行
騎阻萬里程慳雲霾楚棧風饕漢壘紅瓊在混茫間又
故鄉雪滿描難就倪迂范寬來朝定霽一簑准擬江上
看

白門署館對雪

紅板橋南錦衣倉口糝綿舞絮漫漫瓊沙浙瀝吳鹽飄
瞥偏將屈戍敲彈此中歌玉樹想千載瓊花未殘獨憐
對酒無緣蠟屐寂寞強憑欄記起景陽宮舊事玉兒
縞素憔悴辭鑿詩顛不禁酒狂陡發茫茫哀樂無端鍾
陵消紫翠捲毳幕渾如白檀來朝徑去漁簑披了江上
看

雪霽

萬瓦銀皴千門粉窖六街簾幕疎疎斷橋紅板小帘黃
布一齊映入冰壺幽人無箇事閒屏當吟軒釣車桓家
寒具王郎水厄活火沸風爐女牆上霞籠積素藐姑

仙子春透肌膚明粧酒暈檀腮茜捻江天此景難圖詩
顛兼酒惱聽滴瀝鄰家玉蛆誰堪共飲街南且拉諸狗
屠

清江裂石

人日送大鴻由平陵宛陵之皖桐

彩燕粘雞鬪酒天輕軟到釵鈿准擬暗塵元夜覓羅帕
月底燈前訝舴艋來迎何太早綠帆拖雨貪看水成烟
殷勤問姑溪瀨水那似漏湖妍 二月向龍眠樅陽城
下可還有士女鞦韆西望是潯陽琵琶亭下見說道邊
愁已入新年對東風倚江樓倘遇鯉魚紅尾寄我碧桃

箋

泛清波摘遍

咏沼內紅魚

吳娘水閣幾曲金塘時聽紅魚跳波響翳然花竹日高
舟尾浮菰蔣粧臺上傷春天氣中酒心情斜溜明矚還
細相照水釵傾投餌鬢偏幾遍惆悵朝霞漾寄到啼
槭染血帶得落花鋪絳愛爾絕代紅粧水雲高曠渾無
恙嬌鳥籠底去來美人影中生長莫管畫溪笠澤粘天
風浪

萬大士表兄招賞白蓮賦此

軒如烟艇益作晴湖一朶白荷簾外舉梳風颭水記在
普陀巖下路辭鸚鵡悞落塵寰空添枝節受盡人間千
斛暑翠幕低張冰井斜凭憐爾嬌嬈如相訴墜粉曲
塘有恨回首花宮無語贏得素質亭亭瘦影踽踽還凝
佇柳外又仄銀蟾葉間猶跳平聲宿雨應惹弄珠人到乘
夜擧取

芡

江妃水戲龍女夜游遺下鮫盤波面貯勻圓鬆軟顆顆
枝頭綻新雨誰家女粉裙一色銀浦三更船泝空明烟
外語爲愛鮮妍爭向微茫遵岸尋取 擧宿莽苞作蝟

毛暗磔實愛雞頭初乳剖罷萬斛晶丸零亂川澣添嬌
嫋那數雲子彫菰偏宜玉織幽俎祗怕如珠秋露採時
休誤

立秋日憺園塔影軒作

稍聞茶響似有蟬鳴便作冷香空翠想無聊無賴淥水
廊邊自來往凭闌望半房蓮子幾筋蓴絲誰信已將秋
細釀怪底樓前今夜明雲分外淒爽 暗惆悵蛩語乍
親枕函砧韻漸生門巷怕是愁人此時易添羈況漏湖
上差有月嶼風潭非無釣船菱榜何不五湖歸去傲然
呼長

采菱爲閩牛叟賦

牛叟兒閩遺徽自序曰妻種菱湖西常攜諸女扁舟採摘

當夕陽下春翠袖紅粧與清流碧藻相映宛在畫圖寅秋尚期踐此約而竟不逮矣

花窺鏡盒蔓匝鞞紋十里西風公路浦憑將舴艋小織
烟潭葦花舞低拳取涼欺鴨脚嫩壓雞頭肯似碧房蓮
惹苦淺泊前汀并買秋鱸吹火同煮 斜陽渡晚來誰
迎水橋暝色隔村人語詎意前游微茫竟隨客歲雁程
去瑟瑟板渚輕波濛濛篷船疎雨一自采菱歌斷謝娘
何處

望梅

春城望紙鳶

夾衣初颺漸梅鬚墜粉桃腮堆絳鴨頭波倒浸春雲風
日美一天紙鳶都放隊隊兒童競喧笑綠楊門巷正偷
將殘線趁取新晴恣情游賞將扶乍低旋漾把溪烟
攪碎晴空撲響漫掠他青粉墻西惹翠袂遙凭紅闥凝
望急景難淹又天半夜燈初上見火蛾旋繞飛下雪梨
十丈風箏每夜必絙燈火并
於其上高放梨花雪炮

傾盃樂

善權寺火

甲寅九月十九日事

玉竇瓊扉琳宮紺宇層崖染茜嵌峭壁三生堂後梳粧
臺左李唐遺殿黑摧秃柏蒼皮偃雨淋浪蘚崩剝壤梁

雷篆昨春野寺記著青鞋踏徧
陸渾火燒殘赤縣焚
玉石餘灰延鹿苑歎一夜獺狽悲號千年龍鬼糜爛化
斷井頽垣一片剩落落長松誰伴想月夜古洞裏仙靈
浩歎

正月十三夜預卜元宵月

絲雨如酥小窗似夢睡猶難穩試燈夜鳳脰慵點香閨
潛向姮娥預懇元宵可有冰輪分奈瓊瑤舞縈幌拂簾
逾繁安黃剔翠都到眉峯砌恨
隣院女盈盈來問說
青鳥廣寒原有信要春城一色鋪銀夜市萬家堆粉正
雪後玲瓏燈映又陌上軟鬆鴛潤當此際纔湧上團圓

玉鏡

品茶

雨後新晴林端小閣疎簾窳地正註罷南華下卷幾般
綠雪嶽僧新寄澗邊杓取鳴泉試借幽廊支瓦銚細商
茶事松風入聽瑟瑟珠跳雪沸綠髻女嬌拖燕尾捧
玉濕鈞州磁盞翠羨幽韻未瀉先傳餘芬罷啜還滯漸
証入茗柯至理終不負酪奴風致七椀後玉川子頽然
竟醉

望湘人

秋日過準提庵訪石公上人時上人初自都門

歸攜有緯雲弟家訊

見石蹲若獸樹老於猿誰家廢圃荒館改作僧寮恰臨
野渡花竹蒼然平遠萬里烟塵經年烽火家書常斷正
兵間透一僧歸來作上林秋雁把向晴簷細展怪一
槭侵蠹八行纏辭書到汝爲人笑靨啼痕參半歎世上
只有西風嬾不送征人回轉更惱是故國茱萸眼底仍
然開滿

寓樓微雪咏隔垣所見

訝銅街轉處銀井灣頭盈盈霧髻烟髻又被斜風捲來
微霰越與明粧相襯絮裊裙拖雪沾粧閣行來將近想

憐他輕軟纖鬆故把凌波偷印
誰念隣家樓上有他
鄉狂客闌干凭損枉目斷瑤階難遞飛瓊音信料孤館
只晚寒成陣況是歸期無准偏戲弄墻外花梢搖落一
庭新粉

贈南水上人

上人住吳門百花洲

自鞦韆拆了杜宇啼殘粉箋怕寫新句驀遇維摩來游
罨畫姿致訝如張緒雨裊櫻鞋烟欹箬笠隔花吳語喜
韶齡更擅才情解唱碧雲日暮借問師家何處在百
花洲畔近胥江渡此地我曾游千載最消魂路昔日無
限錦帆柔櫓只剩綠波南浦想月中跌坐香臺尙有精

靈來去

夜飛鵲

代妓贈別

爲金沙史
耳翁作

官橋幾絲柳，綰住蘭舟含淚暗。
上津樓，枇杷門掩東風暮。
曾拚睡，煥鴛鴦，凋流鶯替人傳恨。
向風前絮語百種難休。
玉簪恩重，卸將來，嬾節離謳。
既道有人拘管，何事到旗亭，慣惹閒愁。
記否連宵踪跡，雨天中，酒月地梳頭。
落花城內馬蹄紅，蹴滿銅溝。
只瑣窗歸去，莫教輕漏客館風流。

望海潮

題馬貴陽畫冊

極北龍歸江東馬渡君臣建業偏安天上無愁宮中有
慶聲聲玉樹金蓮點綴太平年更尙書艷曲丞相蠻牋
月夕花朝那知王濬下樓船華清月照闌干悵多時
粉本流落人間可惜當初丹青妙手如何不畫凌烟風
景極淒然寫一行衰柳幾處哀蟬展卷沉吟昏鴉蔓草
故宮前

胥門城樓卽伍相國祠春日同雲臣展謁有作
鼉呿鯨吼龍騰犀踏胥江萬疊驚濤沿水敗墻臨風壞
驛千秋尙祀人豪英爽未全凋正綠昏畫幔紅斲霞旂

太息承塵我來還爲拂蠨蛸
城樓徑矗層霄悵蘇臺
碧蘚相望岿峩西子笑時包胥哭後霸吳入郢徒勞颯
杳響弓刀算稽山越榭今也蓬蒿社鼓神絃依稀疑和
市中簫

擊梧桐

酒闌感賦

被酒陽狂當歌慨慷幾遍雄心骯髒蘆中人竈下養市
南屠狗城東賣醬更邀昔日知交白擲劇飲掀髯抵掌
擊碎唾壺拍碎胡琴舊事流波一往想像衣香沉吟
手粉十載後堂情狀燈炮後夢回時曾否玉人無恙醉

後猛然思省人生何必定多情且潦倒短衣射虎學藍
田李廣

夏日同友人過竹逸齋頭小飲賦此紀事

毒熱鎔金火雲焦釜喘月吳牛無那剝啄聲誰拉我過
君高館科頭而卧只愁避暑何方除是剪却亂峯千朶
更上危樓快劈么絃彈得冰天都破 小飲深談耳酣
氣熱不顧旁人而唾算今古幾賢愚詎有斯人長餓歸
去先生爛醉任他拍手羣兒罵且踏著一街新月把小
詞閒做

...

...

...

...

...

...

...

...

...

...

湖海樓詞集卷第十六

長調

邑後學任光奇重校

一萼紅

寒食紀事

玉津園記箇儂門巷淥水漾
罌罌社燕低飛飴簫輕弄
東風隋柳如絲正客裏禁烟
天氣趁流鶯啼處立多時
蒜押雙搖藥欄九轉瞥見師
師十五破瓜年紀恰梳頭
纔了緹額偏遲紅玉勾人
碧虛留客篆烟半裊金猊
魂斷是瓊闈有縫迸他修竹
兩三枝料爾一春寒側長
倚腰肢

癸丑除夕

響銅籤許多年舊事和恨壓眉尖記得當初後堂弟妹
團圍圍定紅簾飲盡了屠蘇千盞搥畫鼓憨笑賭黃柑
十里春城金娥暗撲火鳳交銜 自後也逢除夕歎此
生長是弟北兄南第宅俱非顛毛都換每因令節生嫌
只萬點官橋夜火風吹零亂映疎簷羨殺隣家歲酒隔
巷春衫

納涼梅廬

梅廬南
耕齋名

屐初停見亂杉深巷門境已空幽一派風廊幾層釣檻
微茫人在滄洲軒子外蒼皮怒裂更紅魚碧鴨漾銅溝

屋小如暉齋虛似舫萬籟颼颼到便捶琴啜茗向水
邊企脚林下科頭卿論殊佳吾衰已甚世間一笑浮漚
且盡日談空說鬼荳花棚上月如鈎再噴數聲風笛吹
動新秋

薄倖

賦得水晶簾下看梳頭

戟門春煖紅日漾圓冰清淺算一帶茱萸臆網便是箇
儂粧院素領巾半幅烟綃行來剛被微風捲更點點斜
紅溶溶泓黛嬌面欲勻還嬾恰十載傷心事憶釵響
衣光何限只玉纖撩鬢春惹緱額一番回想腸應斷風

流放誕記千金艷質粧成愛映春流看別來香閣峭冷
尖寒應滿

過闔門感懷用湘瑟詞韻

春波甸線把船檻和愁倚徧記舊日膽娘門巷只在畫
橋南轉靠他家一樹枇杷流鶯日日啼歌扇向燕子樓
邊鵝兒酒內生受花憐柳眷 到今日思量處空熱盡
沉香火慢被東風幾陣晴絲一夜吹將往事連天遠鮫
珠休濺便玉京仙圃也應風景年年換閒愁莫惹城下
紅桃正綻

舟次惠山再疊前韻

綠楊金線記此地經過百徧曾驀遇水仙祠後月裏游
船初轉凭幾楞膩粉闌干水晶簾子桃花扇正一色彩
紅兩行蛾綠何處鶯儔蝶眷聽檀板孜孜拍似唱到
小秦王慢恰水烟一派衝開笑語鼓兒搗了人兒遠年
光濤濺也思量再覲重來無柰心情換尋春須早莫待
百花齊綻

山下與顧景行話舊三疊前韻

風箏脫線向水驛山程繞徧笑十載求仙任俠只有金
丹難轉又那知舊侶重逢淒涼似閱秋風扇論紅絹前
情青衫少日曾訂厚盟深眷且與作開元話聲漸緊

四條絃慢算年來爾我行藏畧似交情直比春山遠酒
槽珠濺向當爐小語香醪可許新詞換惹他一笑榴齒
臨風微綻

惜黃花慢

晴郊訪菊

郭外烟林趁板橋夾浦迤邐秋尋溪翁隴口半畦嫩蕊
園丁屋角數畝濃陰離披開坼鋪如錦縱藻耀偏覺蕭
森選野岑倚風藉草隔澗捶琴濁醪無伴孤斟漸林
霏小結巖翠將沉家居罨畫厨方膾玉人懷彭澤籬恰
搖金西風何事頻吹帽便短髮菊也須簪攬客心前村

碎杵零砧

詠詞一寸金

夜泊金沙城外有懷潘子南村兼示于吉人虞
我武潘子述諸子

櫻筍江鄉小艇濛濛枕烟郭正棟花風緊遠村寂寂桃
花浪決斜塘漠漠客睡何曾著櫓聲歇閒愁頓作空潭
上水笛風燈添取城頭戍樓角暗省當年溪南詩老
曾經對牀酌更暉齋一夕紅亭絃管梵川十里綠楊池
閣風景何嘗換歎滿目酒壚非昨如今只雨打船窗徹
夜長索索

距毫村不數里有古刹曰敬先庵庵側有一高
邱或穴其下乃得古冢隧澗幽涼明器怪詭
似是古侯王墓詞以紀事
古寺高邱雨溜松毛土花澁有破空石甌呀然如竇懸
崖鐵繡窈然而黑壞棧盤雲灰烏窺處龍湫深極誰人
作校尉摸金千載畫衣化烟色
隱隱便房迢迢夜壑
風吼魚燈逼問珠襦玉匣幾年耕破金釵銀碗誰人拾
得牧子頻吹笛惹漢武秦皇沾臆歎多時樂大城荒徐
福歸何日

幔卷紬

賦得秦女卷衣

長城西去嶢關一望萬古消魂地
悵漢苑秦宮隴樹洮雲棧連梁
益閣通燕魏繡嶺渾河灞陵紅樹
烏鼠山如髻有六郡良家四姓小
侯盡隸都尉金鴻嘹唳蕭闈忽憶
寒衣事刀尺擬裁量怕帶圍難記
砧響秋宵逾霽搗瘦銀蟾敲殘木
葉疊在紅箱裏倘寄到軍前驗取
羸樓翠綃封淚

八寶粧

咏荷錢

欲綻紅衣將擎翠蓋先放錢錢葉
大已自成盤休訴窄

百琲還能盛裏水邊樓上誰家嬌困慵騰五銖閒向欄
干簸不料幽潭深處偶然輕墮 幸值緩步江妃將綃
攬取青蚨猶未曾破又怕被土花偷浣傍綠水鋪來停
妥笑莢樣苔般誰做祇如鵝眼些兒箇只未解遮藏彩
鴛莫便一雙臥

疎影

憶鄧尉梅花

佳人空谷有銅坑千樹瀟湘一幅暗記當年纔過收燈
有人約採林屋參差帽影鞭絲裏餽飣得許多濃綠便
歸來攜取水魂併入小窗橫竹 詎料今年病裏東君

又過去九分之六冷落看花情性懣騰且把道書閒讀
不緣修道緣伊冷恐孤負樓東瘦玉忍餘寒夢到深山
細問一春幽獨

咏瓶中蠟梅

簾紅窵翠襯蜜犀花朵色凝鬆几入道梅如新換黃純
賽他林下風致分得壽陽粧額上漸啄破小鵝兒嘴愛
生成金屋故園長憶飄零姊姒側正端相都好儘經
營位置費盡纖指生怕冷香易瀉侍兒頻汲銅溝清泚
十分春意三分漏猜不出蠟丸中字囑檀奴守口如瓶
莫把鸞絨漫啟

咏虞山毛氏汲古閣兼贈斧季

絳雲燼後有隱湖小閣突兀晴晝錦綉團窠箋剔泥金
珊瑚石尉休鬪墨花蝕處香偏冽論官焙何須荳蔻記
開雕北宋南唐漢碣秦碑同壽寒具慎教輕觸牙籤
除付與萸玉纖手灑灑油窗的的春檠靜對瓶花句讀
縹囊便是劉伶鋪縱萬戶千鍾何有任誇他帝子臨春
此閣更饒妍秀

獨坐祖園聞顧庵葯園亦在吳門未及一晤詞

以寄懷

軒如畫舸載笛牀茗椀終朝閒臥鬪酒生涯挑筍年光

恰值濃春剛過菖蒲牋好慵吟寫說不盡心情難安似
綠窗一種嬌憨懶對盤龍梳裹聞說淞中老輩丁儀
共曹植也客江左小甕鵝黃小袖雲藍笑口思量同破
空園寂寂誰傳信且悶倚赤闌橋坐正水邊颺起微風
滿院繡毬花墮

暮春新霽

流鶯無賴將一天霽景啼碎窗外雨後帘青橋上衫紅
盈盈定有人在趁晴蛺蝶漫空舞立不穩泥金裙帶水
如塵玉剪輕飛莫點葡萄痕壞幾日心情小極爲粘
花中酒暗鎖眉黛斂了歌紈閣了鈿車誰愛鬪茶挑菜

帽簷故傍鞦韆側恰今日風光如海便春晴人意誰忤
已報棟花風大莫濕簷窗與寒日亦冷小窗無事

黃梅

霜天殘臘綻細梅滿樹半開微合嬾鬪春園小白長紅
只愛新興蜜蠟鬱金堂外模糊見貪耍學厭禳粧法惹
綠窗鎮日昏黃錯認熏香睡鴨 曾有箇人雲鬢摘盈
盈半朶和笑低插戲罵花枝何物檀奴也上香蟬斜壓
如今人去花何用索性把花枝齊掐攪斜陽別樣心情
且喚澆愁蠻榼

風流子

萬葉詞 詞林典故 詞話 詞源 詞譜 詞雅 詞苑 詞林典故 詞話 詞源 詞譜 詞雅 詞苑

除夕幾士大兄以新歷蠟炬餉我賦此奉酬因
懷亡弟半雪并寄三弟緯雲於都下四弟子

萬於宋中

白頭兄弟在將進酒且賦小秦王歎世上雞蟲笑人寂
寂天邊蝓兔去我堂堂誰相寄一編書是鳳干炬蠟成
鳳檢處從頭時乎已暮燒時見跋夜也何長可憐惟
一雁東風催散去永不成行迴想去冬今夜人正顛狂
算年去年來楓根少歷春陰春雨燐火無光知爾天涯
二季一樣沾裳

感舊

幾摺枕屏斜凝眸看蕃馬簇平沙算故國樓臺許多風
物當年歌管何限韶華會記得和烟羅幌展映水粉墻
遮乍雨乍晴賣餠天氣半癡半黠鬪酒生涯也知別
來事渾嬌嬾難勝蟬翼輕紗多管逢春不語對月長嗟
只芳草粘天聲聲杜宇畫簾垂地陣陣楊花贏得無聊
小樓數盡栖鴉
自應只南徐春暮程崑崙別駕招飲南郊外園亭同方
爾止孫豹人談長益鄒程邨何雍南程干一
賦古韻半雲共寄三魚鯨雲然駘不四魚干
來時寒食近且近耳詎料竟殘春正僕本多愁何妨作

達官如不醉遮莫傷神見此際酒旗斜喚客榆葉弱縈
人燕子風前是何言語柳條烟裏別樣腰身 名園行
樂處追歡笑何限寶馬香輪況遇風流刺史瀟灑遺民
柰東望蔣州春潮拍拍北來瓜渚暮雨紛紛還怕當歌
對酒忽又沾巾

錫山慶雲庵感舊

時承如上人新逝

眾山排峭壁西風吼亂葉打茆庵記竹外時逢拈花迦
葉水邊曾值洗鉢瞿曇依稀是鳥啼幽澗北僧送石橋
南萬壑松颺王裴名理半牀蘿月支許清談 重經春
來地人誰在祇見霜信初酣染就千圍楓榭一路杉柟

歎電光石火佛猶如此山邱華屋人則何堪隱隱前林
暝翠暗結精藍

月夜感憶

冰蟾飛皓彩今宵月勝似昨宵圓有一片角聲淒清枕
畔三秋桂子零亂樽前人生事千齡渾似夢百計且求
仙鳳舞鸞歌別來幾日瓊樓玉宇歸去何年 流霞須
傾盡金荷裏鯨飲併吸嬋娟遙憶庾樓今夜多少英賢
想月明千里戰袍不夜西風萬馬殺氣臨邊我控雲中
黃鶴一笑茫然

泊舟譙郡贈新安汪公言

桃花潭上水深千尺不抵似汪倫正留客西園紅燈翠

幕送余南浦淡月微雲依稀記賞花敲畫鼓糾酒喚羅

裙贈到葳蕤休教鎖恨貽來螺墨莫便磨人

時公言有青瑣名墨

贈之南譙繁華地重經過一片野渡斜曛剩下紅橋舊

巷黃葉前村想千年李樹仙游已邈三分吉利霸業俱

陳

老子曹瞞俱亳邑人

且自佯狂作達何事消魂

董樗亭來始見錢莼鮒寄我新詞而莼鮒之墓

已有宿草矣愴懷我友瀆淚成詞卽用莼鮒

來韻并求竹垞朱十亦一繼作

故人新化鶴今宵月含淚盼瑤京念別我西園朱曦翁

絕送君南浦雪浪掀騰誰曾料人間瓊樹折天上玉樓
成湘瑟纔彈便驚絕調粉箋剛到遽隔前生 新詞沉
吟徧斜行字銀鈎蠶尾縱橫留向愁中細閱醉後閒評
悵一帶新蒲碧淒杜甫千門御柳綠怨韓翃不待隣家
笛起早悔浮名

大聖樂

甲寅清明

糝雪梅嬌弄烟杏煥嫩楊初絲正賣錫聲近簾櫳店舍
恰逢百五風颭斜旗綠波畫橋門暗鎖聽墻裏誰家笑
語微知他定是鞦韆纜下慵換春衣 芳郊也擬讌賞

奈舊日心情半已非
只一園蝴蝶滿地燕子亂撲晴暉
墓左麒麟枝頭杜宇不飲芳樽
更待誰梨花底照明粧
淡粉上塚人歸

高山流水

卽席別吳門諸子偕園次返梁溪并呈伯成先
生

西風落拓闔閭城有留儂白蛤紅箏
細雨落簷花吳王宮外雞鳴屏當好
嫩橘鮮橙甌如雪眞珠藥玉齊傾三
兩狂夫趁箏琶未歇促拍調俱成
閒評相逢作達耳
入世事落絮浮萍楓橋下幾船夜火
一派寒更奈酒醒

人又趨離程早潮平報道山泉待我涼夢先縈儘殘年
漁簑茶竈寄浮生

江南春

西風著本意和倪雲林原韻

風光三月連櫻筍美人躊躇白日靜小屏空翠颭東風
不見其餘見衫影無端料峭春闈冷忽憶青驄別鄉井
長將妾淚點紅巾願作征夫車畔塵人歸遲春去急
雨絲滿院流光濕錦書道遠嗟奚及坐守吳山一春碧
何日功成還馬邑雙倚枇杷花樹立夕陽飛絮化爲萍
攬之不得徒營營

霜葉飛

夜雨感舊柬史雲臣

西風雁壓涼雲破
趨成暝色如許
屏風幾疊擁瀟湘
正晚山碧聚
擬偷按淒涼宮譜
小樓寒峭移箏柱
柰偏到此時
添幾陣瀟瀟
浙浙長夜難住
對此倍悵無慘銀
燈細炙
猶自顧影私語
一從西北倦游歸
只髻催霜縷
總夢到咸陽原去也
應紅盡驪山樹
算前情都付與
一片青砧三通畫鼓

黃芽菜

輕鬆纖軟評春雪
此言殊耐尋玩
昔人句子巧形相又

入春跌贊細擬議兩般俱善不如單咏霜蔬便每未到
春盤早頰甲嬌擎雋永那數禁臠 此際風雪豪家點

酥抑鮮花壓羔兒紅淺寒酸腹內賸蔬畦那有羊來踐

只千里湖蕁路遠鄉愁菜把權消遣對稀疎憑小摘忽

憶情親躊躇未免 山谷詩云庾郎畦菜二十七太常齋

訴羊蹴蔬小摘為情親杜詩也

過秦樓

西風飄松陵城外經疎香閣故址感賦 閣係才媛葉瓊章讀書處

鳥啄雙環蝶粘交網此是阿誰門第墊巾繞柱背手循

廊直恁冷清清地想為草沒空園總到春歸也無人至

只櫻桃一樹有時和雨暗垂紅淚
料昔日人在小樓
窗兒簾子定比今番不似望殘屋角立盡街心何處玉
釵聲膩惟有門前遠山還學當年眉峯空翠憶香詞尙
在吟向東風斜倚

五絲結同心

過惠山蔣氏酒樓感舊

余昨年與雲
郎曾宿此樓

惠山山下誰氏高樓記曾借我酣眠夜半喧山雨龍峯
頂飛挂百幅簾泉當時尙有玲瓏在憑闌唱落葉哀蟬
可惜是聲聲紅荳憶來大半難全 如今重經樓下只
水聲幽咽鬢髮鳴絃彈指匆匆舊時燕子換做萬里啼

鷓鴣當壚莫喚樓前客應怪我淚衰紅綿惆悵煞一天明
月滿汀漁火商船

乙卯冬杪與園次飲惠山蔣氏酒樓翠袖紅絃
談諧甚劇酒半忽遇廣陵高生至記與山陰
友人紅橋狎讌時匆匆已十三年矣故人萬
里昔夢千端不勝白髮玲瓏之感詞以寄慨
簾風暗裊檻雪新晴小樓月又剛圓有杜秋娘在微酣
候催弄脆竹零絃曲中驀聽羊車到褰幃入一座喧闐
驚疑甚似曾相識別來一十三年重新移燈添酒算
夜長難睡且話從前記得當初揚州薄倖有人同做樊

川玲瓏去後詩人老湖湘客飄泊誰憐憑誰報渡瀘諸
葛君家燕子依然

賀馮躬暨納姬

隔街爭唱相府蓮開覆額香蟬初裹紅漆車兒穩繡簾
動壓角紅珠駮駮只愁阮婦剛纔嫁飄吳語綠窗邊過
怕難免粉防脂邏安頓最宜詳妥連晨書樓長鎖料
也應推說棟花風大千騎今年事雙雙去笑上丹韞翠
舸郎君佳話人傳徧怪底事端然瞞我倘相逢春宵筵
上百罰深杯方可

女冠子 第四體

詠美人坐禪和彭羨門原韻

蕭蕭禪榻百和旃檀薰透花冠啼罷烏龍睡熟紫竹清
幽黃帔瘦小袒袈羅袖雙疊湘裙紅吐花邊一縷最憐
他跌坐桃笙一派秋江綠皺靈山參破風幡後柰十
年前事終向心頭有佳人不偶記惜玉情懷竊香時候
迦文消夙垢正值鐘聲報午苔陰移晷問籠中白雪衣
娘一卷名經完否

癸丑元夕用宋蔣竹山韻

上元晴也盈盈霽景堪畫夾城况有瓊苞千斛翠澱雙
奩冷輝交射一輪圓玉掛越顯人間天上十分良夜想

誰家年少此際正逐暗塵嬉耍
六街春謎慵猜打歎
浮生故國難把前歡借蠟珠紅炷
總濕透昔日傳柑雙
帕春羅愁細研也料寫他不盡
十年前話約東風選夢
惹人重到舊樊樓下

小梅花

感事括古語倣賀東山體

君莫喜羊叔子何如銅雀臺前伎
拍檀槽橫寶刀屠門
大嚼亦足以自豪人生有情淚沾臆
雖壽松喬竟何益
將黃鬚眺五湖如此江山應出孫伯符
傷心中可憐
子卿復何爲爾大江東一帆風來
往行人閒坐說元宗

連昌宮中滿宮竹白項老烏啼上屋穆提婆蕭摩訶且
自吾爲楚舞若楚歌

咸陽樹驪山路可憐當日作事悞殷仲文王衛軍國家
此輩要是可惜人憶君清淚如鉛水奴見大家心亦死
令壺齟收中吾聊且酒酣耳熱歌嗚嗚 莫櫟釜行學
估羞與噲等伍金屈卮楊叛兒阿奴今日不減向子期
生子當如李亞子奴價今年大勝婢穀朱丹作高官未
若小樓吹徹玉笙寒

蘇武慢

汴城晚眺

暮色傷心重關極目泔泔黃河之水侯嬴館老朱亥塋
高直得英雄心死城頭戍火馬上征笳何苦愁人如是
最堪憐千里蒯緱牢落方當盛齒細數他趙宋繁華
宣和節物此事幾年矣宜春燈燭延福笙簫多少六
街三市有恨秋槐無情社燕換過幾番人世只空留廣
武滎陽一片驚濤剩壘

送孫郎賈汝甯

無言
令嗣

胃脯擊鐘馬醫連騎閒者吾聞之矣神仙無路將相難
爲只有鬻財可耳解人吾子健者孫郎遂作急裝而起
看翩然袷服鳴鞭矯若奔泉渴驥又何須西賈巴巫

南游溟熨動足下牀萬里天中上郡汝水雄關儘可持
籌列肆鮑革千箱貂褕百襲傲殺毛錐之子只倡樓莫
擁如花速辦腰纏歸計

梁溪舟中對雪

淼淼蕭林迢迢凍浦颯沓亂帆成陣忽飛駛雪暗灑吳
裝極目空明相混孤墩殘角小寺疎鐘今夜吟情難穩
望前村水店溪橋風裏青旗斜趁也思量一盞禪燈
半衾煖玉長守南山故隱詎期屢歲每到年時諳足旅
愁羈恨繡陌神儻紅箋致語一載又還將盡小樓前幾
樹橫枝想已漸堆香粉

惜餘春慢

梁園春同侯仲衡叔岱徐棻士田梁紫弟子萬

看牡丹作

節過湔裙人稀拋塙又是一番初夏春歸下浣客到中
原隴首濃陰誰畫多少濛濛柳綿和了春陰宛人簾下
正曉來忽聽園丁報道牡丹開也相携去闕伯臺前
孝王園後小試玉驄寶馬梅風幾陣鶯語多般引出紫
嬌紅姹歌板欄邊競開密幄圍花娛他清夜撚一枝忽
憶沉香且作開元閒話

立夏前一日竹逸招同雲臣修承紅友天石惠

立文補仲雲濤放庵二上人賞紫牡丹用宋魯
逸仲原韻

飛絮年光脫綿時節綠徧裙腰芳草雒陽貴籍紫府眞
妃臉暈露華春曉記得年前種時一朵嬌柔問年猶小
自畫堂養就芳姿漸長閒愁不少 驀聽得杜宇催歸
濃春將謝先自替花煩惱排當檀板料理金樽花徑夜
來頻掃追想開元舊游玉笛甯王琵琶賀老只日斜客
散滿欄姹紫剩游蜂遶

玉山枕春同對中微秋掛絲茶土田榮紫策干蘇
詠白鸚鵡

小院清麗蜻蜓翼空如水楊花門戶梨花院落風漾金
籠蹁躑不止雪衣簷畔誦迦文恰生小怕施朱翠有玉
奴夢醒無繆撚瓊枝向月中調戲尉佗臺上當年事
心兒內重提起拋家離井好風良夜腸斷三年魂消萬
里從來薄命玉容人也只是飄零如此倩銀鴻問訊珠
娘素馨花想此時開矣

白鸚鵡來自嶺南故云

秋夜較亡友史遠公青堂詞卷竟淒然綴此

山館烟舍記汗漫同杯竿飛騰峭壁攀援絕澗亂水奔
渾暮雲狼藉夜深健句怒盤空看筆底崖崩濤瀉更興
酣蟻視羣兒擲琵琶踞酒壚而罵如今往事隨飄瓦

經幾陣寒潮打燈昏拍促更闌絃急月魄難圓蓮衣易
謝淚和鉛水汎鵲紅都點上殘縑剩帕落梧聲似伴吟
魂隔西窗作秋宵閒話

宣清

玉河冰

結定銀灣凍合銅溝裝成玉玲瓏砦到月明轉覺嗟峨
便風吹何曾澎湃迴思客夏翠椀涼蓋千家賭賣只今
朝堆滿逕文園縱渴誰愛中見宣武門邊西河沿上有
冰牀一帶更紫罽猩絨穩墊嬌鋪滑笏瑤京若比風檣
尤快是誰家茜裙斜載逗香肌冰前偷賽還將四絃猛

彈破空潭問吟龍安在
長安臘月玉河水結時水面多設冰牀往來絡繹以供行客其

捷如飛較之坐騎乘車遠勝多矣

洞庭春色

甲辰除夕懷西樵司勳阮亭主客

歸去來兮鬪雞走狗閭巷沉浮歎臣之壯也如人何事
身將隱矣於世焉求四十男兒悲老大笑那便車前少
八騶填胸事看人奴笞罵一半封侯 回首風塵萍梗
怪年來長傍迷樓記廣陵風景青山綠水瑯琊兄弟長
史司州名士終朝能妄語更頭沒杯中笑不休紅燭夜
對故園椒酒想爾風流

蟬

窗窸北窗崢泓西礪企脚披襟正修梧翳日數聲嘒嘒
幽篁夏水一派悒悒喚醒半牀蕉鹿夢更月榭涼天思
不禁流光駛怕潛催落葉暗換疎砧 終朝餐風吸露
算往事惆悵難尋記徹侯冠上親陪貂尾佳人箏畔曾
砑鸞吟詎料半枝棲不穩枉訴盡淒涼此夜心須蟬蛻
問茫茫塵世誰愛清音

湖海樓詞集卷第十七

長調

邑後學任光奇重校

沁園春

桐川楊竹如刺史招飲劇演黨人碑即席有作

竹如係忠烈公冢孫黨人碑宋元祐紹聖事

屈指愍孫惟我與君今日相逢歎家世膺滂破巢剩壘

丹青褒鄂硬箭強弓

忠烈公遺像存余家三十年矣今始奉還

磊塊誰澆飛

揚不禁願學當年曹景宗銀燈底恰清歌宛轉妙伎玲

瓏 燭花墳起如龍又聞樂中山淚滿胸任刺史筵前

嬌絲脆竹黨人碑上怪雨盲風我已冥鴻人方談虎愁

殺長安老石工歌且止思爾兩家舊事此曲難終
廣陵客邸送緯雲弟之歸德
客裏送行蕭統樓頭且盡一杯正節近清明柳絲漸長
時逢上巳燕子將來兄往淮陰弟游河北兩地翻飛立
馬催斜陽外見各天鴻雁顧影徘徊市樓轟飲如雷
笑我輩豈常貧賤哉奈花號將離爾心欲碎地名蕪苑
我賦偏哀此去睢陽也知懷古有日經過古吹臺還應
問有兔園上客狗肆奇才

山東劉孔集招飲廣陵酒家係故郭石公宅

魯國劉生笑賣寶鞭攜上糟邱更一時意氣徐陵袁紹

六朝才調綠幘紅鞵如此人生奈何不樂況值離鴻叫
暮秋憑欄望見風廊水榭丹漆雕鏤 當年此地風流
記畫戟門開溝水頭羨羊侃侍兒彎弓貼地李波小妹
走馬當樓蔓草斜陽空園絲雨爭說汾陽郭細侯還長
嘯只眼中花月誰似揚州

冒天季五十書贈

慷慨悲歌旁若無人進君一觴更四絃入破聲哀以思
三更被酒臣醒而狂末路崎嶇舊游零落哀樂縱橫不
可當生平事會短衣匹馬錦瑟紅牆 歲華一去堂堂
又半百蹉跎自傷歎醉必沾襟是兒可念飛而食肉

此志難忘人道買臣今年富貴路鬼挪揄笑一場重酌

酒看玉山筵上今夜顏唐離愁錄韻 憲華一去堂堂

三更鼓泊舟惠山看六朝松并良嶽石登京樂錄 鬱不

昔歲我來乘白羊車著紫鼠裘愛支離者叟霜皮黛甲

玲瓏者丈雁蕩龍湫王謝家兒宣和遺老爾正愁時我

亦愁會經過看累朝興廢百代王侯別來歲月如流

歎赴壑修蛇掣不休又風吹雨溜幾場兒戲藤纏蘚蝕

一樣蜉蝣石豈能言樹猶如此何怪書生竟白頭重來

到吹一聲鐵笛叫破孤秋風來 當筆批出風

六時木為泗州謝震生廣文題照兼送其之任山陽

我愛先生其冷者官其熱者腸羨康樂宣城君之家世
蠙珠浮磬此是家鄉人道馬曹我知魚樂苜蓿堆盤也
不妨吳綾上問傳神阿堵何物長康 纔成半闕淒涼
忽念爾將離黯自傷記淡月微風曾經批抹好花新茗
相與平章此去淮陰古多惡少我欲來游醉幾場君求
我在韓侯臺下漂母祠旁

贈別芝麓先生卽用其題烏絲詞韻三首

四十諸生落拓長安公平念之正戟門開日呼余驚坐
燭花滅處目我于思古說感恩不如知己卮酒爲公安
足辭吾醉矣纔一聲河滿淚滴珠徽 昨來夜雨霏霏

歎如此狂飈世所稀
恰山崩石裂其窮已甚
獅騰象踏此景尤奇
我賦將歸公言小住
歸路銀濤百丈飛
矚煖趁銅街似水賡和無題

雖則毋歸對酒當歌終難激揚
似孔家文舉幼原了了
衛家叔寶晚更茫茫
五劇金鞭六街寶馬誰數
吾家老子昂公眞誤歎
臣今已老髮短心長
御溝偶過毬場
笑塗轍都爲若輩妨
更內家髻樣巧如馬墜
小侯舞勢快作鸞翔
酒則數行食而三歎
斷盡西風烈士腸
登城望有千羣
篳篥萬點牛羊
歸去來兮竟別公歸
輕帆早張看秋方欲
雨詩爭人瘦

天其未老身與名藏禪榻吹簫妓堂說劔也算男兒意
氣場真愁絕却心憂似月髻禿成霜 新詞填罷蒼涼
更暫緩臨岐入醉鄉況僕本恨人能無刺骨公真長者
未免霜裳此去荆溪舊名罨畫擬繞蕭齋種白楊從今
後莫逢人許我宋艷班香

經邯鄲縣叢臺懷古

匹馬短衣竟上叢臺慨當以慷看誰家戰壘寒鴉落照
何年古戍亂草平岡十月疎砧一城冷雁不許愁人不
望鄉徘徊久只登高弔古無限蒼茫 當年趙武靈王
正樹裏河流掛濁漳更佳人跼蹐粧臺對起王孫袷服

舞袖相當而我來游幾番
歷徧不見邯鄲俠瑟倡何須

問便才人廝養總付斜陽

無別意

對羊古夜宿衛輝府使院

院係故藩舊府

白月明明青火熒熒憂來無方有敗磚碎甃當年碧瓦

殘煤冷燭昔日紅牆銅沓椒圖綺錢交網贏得行人歎

一場轆轤畔憑鳳簫吹透幾陣新涼無端一夢荒唐

夢應教鄒枚綴末行似朦朧簾外宮娥阿監依稀殿上

玉几金牀忽聽雞鳴旋催馬首淇水東流劃太行回頭

望見驛樓飄渺苑榭微茫

天其未送謝雲章之大名

大齋效堂詩餘思集吳意

結束翩翩比去天，雄黃衫紫韁有萬層。
鑊騎軍懸重鎮，五更鈿雁莫妨名。
倡魏滑分河關山，獨夜感慨黎陽舊。
日倉橫戈地怕驚，沙颶沓亂水砰礮。
昨朝並轡回翔，恰路出夷門認大梁。
記分題古驛，憑燕弔魏同敲石火。
嘯雨啼霜君又翻飛，余其寥落試聽悲笳。
咽女牆前游，在莫孤擎濁酒，重宿平陽。

經此故云

衛輝使院係舊藩邸，余與謝君曾各有辭，今去天雄必重。

咏雪獅

此物何來猛氣，咆哮砍頭陷胸。
見吞刀吐火，一般舂談鏤冰築玉。
百種玲瓏萬事東流，一身西極。
隻手曾批上

圈熊真無敵算涼州假面難與爭功西滄州城外呼風
又戚畹獅兒卧草中怪霜纏鐵獸汝偏天矯汗鎔寧鳳
爾獨從容頃刻天晴須臾雪霽贏得羣兒拍手同啞然
笑歎原來刻鵠詎是真龍

五莫心大梁署寓對雪有感

會谷曹輔今夫天賦心軍
賦文則於曹蕭祖余與備

凍角無聲大旗自翻長河怒號正雪作花時玉鱗狼籍
茶當乳處珠眼蕭騷烏鵲枝寒羝羊窳冷一片愁成八
月濤當年事記昆陽城下羣盜如毛中原百戰人豪
經幾度風吹并浪淘嘆河名官渡袁曹安在地連南頓
馮鄧徒勞四節飄零兩河蕭瑟且將黃鬚命濁醪吾已

醉尋市中朱亥共鼓屠刀

客陳州使院花朝作

歸歎歸歎我亦在陳胡不歸兮正伏羲陵畔穀紋六幅
宛邱城外柳線千絲萬種温磨百般飮餽審得愁心早
上眉渾無計只沈腰漸減潘鬢都非 江南值此年時
記巷口花驄分外嘶更舞衫歌扇錫簫陣陣倡條冶葉
裙幄離離拋了濃春陪人遠宦俊侶相嘲甚意兒真無
賴拚化爲飛絮繞盡天涯

三月三日尉氏道中作

登尉繚臺上三垂岡

卽王稽候
范睢處

傷如之何憶談兵說劍

才情磊落投秦去魏意氣嗟峨我到中原重尋舊蹟牧
笛吹風起夜波誰相問縱殘碑尙在一半銷磨 短衣
此日經過歎禊日難逢晉永和正水邊柳眼斜窺芳岸
風前燕尾亂剪晴莎異國韶光中年意味寫上烏絲感
慨多休憑弔喜湔裙挑菜士女娑拖

十月晦日懷慶使院望太行山積雪

雪滿太行碧漱瑤翻紛然沓來正黃河欲吼六花籍籍
青山乍老一夜皚皚素女凌空眩師潑水十萬瓊樓面
面開深林外更狐踪半滅獸窟全埋 萬鍾甯我加哉
且濡髮狂歌乾百杯看獵徒并代霜鷹雪犬神仙王屋

瑤殿瑤階聶政祠荒袁尼宅破世上誰人識此懷樽猶
熱儘天公顛倒造化安排

經朱仙鎮

古鎮朱仙躍馬經過令人暗驚看黃塵撲面閭閻櫛比
清波極目舟楫充盈南控陳橋西通尉氏彷彿當年古
汴京停鞭問怕沙衝地坼浪嚙堤平誰何繡栱雕甍
有廟貌巍峩市口橫是鄂王故事丹青未老趙家遺恨
金鐵爭鳴三月飴簫一天社鼓走賽仍多舊日僮謳衣
拜欲題詩未許淚滿長纓

叔岱先生雅有鶴鶉之癖友人田梁紫作書止

之戲括書語爲詞

客語先生嗜汝鶴鶉才乎不才縱遇敵爭能差強燕雀
爲人穿鼻終是駑駘盡日啁啾一身眇小只合充庖佐
酒杯因何事却煩人把握費爾安排王褒僅約新裁
更每日奔馳一百回要新魁就浴甫令東去故雄覓粒
旋遣西來樊籠盈庭屠沽入座恐累先生盛德哉驅之
便算豢龍非計好鶴爲災

又戲代叔岱先生答

先生得書再瀝餘杯敬謝客言嘆古往今來幾場蟻鬪
山林朝市到處蝸涎卿論自佳僕狂殊甚枉費相如諫

獵篇吾衰也只短衣射虎便擬終焉 此雖鷲愧鷹鷂
看猛氣雄心非偶然正霜天袖手試觀其怒中原賭命
肯受人憐藉爾驍騰消余磊塊長日浮沉里閉閤公休
矣姑從吾所好以待來年

湯皆山以瑞梅告者屢矣始則有枯梅復生之
奇繼則有重臺疊萼之異茲則深秋復吐葩
焉詞以紀之

一種江梅偏向君家出奇無窮看千年復活喬柯蚴蟻
重臺並蹙冷蕤空濛人曰奇哉梅云未也要爲先生奪
化工休驚詫請諸君安坐洗眼秋風 須臾露濯梧桐

忽逗出羅浮別樣紅正朦朧一夜銀河影裏稀疎數點
玉笛聲中只恐東籬有人斜睨菊秀梅嬌妬入宮當筵
上倩泉明和靖勸取和同

題徐渭文鍾山梅花圖同雲臣南耕京少賦

十萬瓊枝矯若銀虬翩如玉鯨正困不勝烟香浮南內
嬌偏怯雨影落西清夾岸亭臺接天歌板十四樓中樂
太平誰爭賞有珠璫貴戚玉佩公卿 如今潮打孤城
只商女船頭月自明歎一夜啼鳥落花有恨五陵石馬
流水無聲尋去疑無看來似夢一幅生綃淚寫成攜此
卷伴水天閒話江海餘生

南耕新葺梅廬閉關學仙詞以紀之

半畝之宮點綴纔經林巒邈綿見雪窗粉壁皎如越紵
涼軒燠館碎若吳箋須種些蕉再栽些竹拍盃文鱗戲
翠漣安排巧有蒲團椽帚茶臼舫船勇過賁育其然
羨大志君真竟學仙向丹爐晨諷黃庭一卷元關夜誦
紫誥三篇五利虛無文成怪誕藥誤多人昔所傳優游
好況新來小築極似斜川

題史蘧庵先生燈詠一卷後

字字喧豗烈澤焚林爲蛟爲螭有火蛾結陣晶瑩閃爍
燭龍對仗照耀髣髴漢隧千年秦京三月做白毫光大

鴻海樓言集卷十一
九
總持薪薪續任盲兒捫籥牧豎敲碑
從來禍首庖犧
笑匣劔何妨燈在帷旣桂輪易蝕底須搗兔桑田善涸
焉用燃犀膏以明煎吾聞其語綿上龍蛇哭子推真休
矣向燈王稽首埋照奚疑

同遠公和雲臣越生贈答之作

五十之年細數生平人間可哀看白首相知晨星寥落
朱門先達覆雨喧塵只此貧交陶然永夕蹴鞠彈棋更
舉杯交驩甚記看花並出踏月偕回
千金散盡還來
算細故甯容芥蒂哉況白雪連箱讀之氣盡紅牙一曲
聞者心灰亟續曩游競投新闕從此蕭朱忍見猜真嘉

話使詞場數子笑口齊開

題西溪釣者小像

彼君子兮自序生平西溪釣徒有柴門臨水一羣鵝鴨
松關負郭四壁圖書註易逍遙彈琴廓落屈指知非十

載餘

時釣者年六十有九

焚香坐俯衣暉傑閣飽瞰晴湖

多時

興在乘桴且一葦蒼茫縱所如看筆牀茶竈沿流容與
漁莊蟹舍夾浦縈紆乍叩閒舷或延新月秋水長天碧
似蘆掀髯笑笑人方夢鹿我正觀魚

秦對巖太史餉酒饌至詞以謝之

雨挾泉飛風助杉吟調調刁刁正梅剛破臘檀勻臉靨

山爭釀雪粉剪翎毛水圻龍鱗樹窪蛇腹蒼莽空山捲
怒濤吾衰也恰閒思說餅狂欲舖糟故人相念何勞
遣銀鹿持箋訊老鬢更厨娘斫鱠幾絲薑橘索郎瀉玉
滿甕蒲桃雞跖雙持腹腴偏勸浮拍中山也自豪吾醉
也向牀頭舞劒席上歌騷

爲高汝敬尊公季遠題像并贈汝敬

季遠忠憲公季子

彼君子兮朗若玉山爛若朝霞歎三閭香草忠臣有後
七賢修竹處士無家畫癖書淫酒鎗茶董滿院桐陰一
帽斜眞瀟灑負薪而歌者優孟誰邪賢郎品更稱佳
只落日祠堂守暮鴉向山頭荷鋪追隨猿鶴泉邊鍵戶

箋釋蟲蝦北郭騷貧東方朔餓一片空庭扁豆花軒渠
也任韋平父子兩代宣麻

留別伯成先生和澹心韻

憶數年間爲汗漫遊輕去其鄉正城樓入夜無邊草白
關河放溜極目沙黃廣武山雄礪礪路隘何必愁人始
斷腸風吹盡是三河俠少六郡名王
牛衣仍卧王章
笑病馬依然戀戰場恰何來同調金荃一卷重逢高會
紅燭千行風刮琵琶霜枯筆策又惹歸帆帶雨張頻回
首是難忘官閣酒綠茶香

聽梧軒夜集仍疊前韻

烏鵲驚飛繞樹無枝誰爲故鄉歎十年失路愁雲淪白
三秋伏枕病葉剛黃欲哭不能欲歌不可冷盡吳鈞一
寸腸繁華夢夢華清全部岐薛諸王龍從頭細與平章
算紅燭今番第幾場正檀槽滾徧嬌鶯碎語碧空界破
歸雁分行此夜筵前明朝河上擊唾壺兼作拍張梧軒
好待來春重到劈紙添香山
謝病中雲臣餽我藥貲賦此志謝人空無憂草白
有嘯於梁其來如風公然叩門是二豎擲掄穴人焦府
五窮跳盪絆我朝昏鼠鬪庭前蟻喧牀下敗壁徒懸犢
鼻禪黔婁婦空典釵訪卜翦紙招魂空無錢藥裹休論

至今日方知扁鵲尊歎殘杯冷炙誰遺野老淒風碎雨
孰念王孫只有貧交偏承厚誼管鮑分金古道存前期
在待稍蘇肺氣同問真源

余卧病澄江不能應試主者頗難之竹逸爲經

營良苦乃始得請歸來作此自嘲并以伸謝

羅隱江東老署秀才不幸似之怪自負上流偏搜兔冊
曾稱男子却溷牛醫壯不如人老之將至那更空牆病
馬嘶歸去爾儘嚇人腐鼠笑我醢雞 紛紛路鬼相疑
疑小敵當場胡怯爲謝主臣不敏怯誠有是明公垂諒
病亦非欺顏子屢空伯牛有疾合受先生譴責詞真窮

清海樓詩集卷十七
三
矣幸江城恰遇鮑叔於斯

錄小齋余既沉痾瀕死而遠公亦一病累月乃其病中
獨持齋甚堅詞以訊之

瀕死三秋僵卧十旬已而已而歎參苓暴貴婦難竊藥
雞豚差賤妃可呼豨黃雀披綿紫螯堆珀更朶先生病
後頤屬饜耳任人呼其鄙我舉其肥 相憐同病奚疑
只松下君偏折露葵但瓠稱折項欣焉命七魚名石首
誓不沾匙我輩衰羸全憑膾脯待得生天是幾時言非
戲請相隨果腹莫漫攢眉

至今日遠公卧疾長齋余既與雲臣作詞寬譬乃接來

章有承歡有歎頤養空文自罰十年藜藿之
語因復作此廣之并邀雲臣共作

三復君詞九轉之腸淒如峽猿痛百年菽水半虛滫瀡
九原松檟難逮雞豚莫打慈鴉惟鋤孝笋繡佛長齋跽
墓門眞嗚咽念小人有母綿定奇溫 羨君獨行偏敦
只慰藉吾徒尙有言記於陵廉士生鵝可食曾參孝子
膾炙常飡禮謹其踰親憂其疾滅性甯酬罔極恩還相
勸願終辭藿食亟進熊膳

咏菜花

極目離離徧地濛濛官橋野塘正杏腮低亞添他旖旎

湖海樓詩集卷十七
柳絲淺拂益爾輕颺繡鞞纔挑羅裙可擇小摘情親也
不妨風流甚映粉紅牆底一片鵝黃 曾經舞榭歌場
却付與空園鎖夕陽縱非花非草也來蝶鬧和烟和雨
慣引蜂忙每到年時此花嬌處觀裏天桃已斷腸沉吟
久怕落紅如海流入春江

甲寅立夏日同萬紅友吳天石過雲臣齋頭賞
牡丹作

每到春餘便過君家來衝綺筵正棟花風裏金鈴細響
湖山石畔繡幔低褰綠葉扶紅瓊酥襯紫三種傾城各
自妍疎狂客更詩催奕聖酒引僧顛
時蘇仲補放
庵上人在座
沉

香不記何年算天寶風流事邈然記錦袍學士新聲倚
曲淡容號國薄醉朝天事去休提愁來須謝眼底明粧
盡可憐春歸矣仗花間蜂蝶邀取春還

爲雪持題像卽次原韻

像作大雪中數
燕姬箏琶夾侍

屈指生平衣葛知寒食梅苦酸倩冰綃數尺圖成行樂
梨園一曲譜出邯鄲富貴何常男兒自有除却昇天作
底難掀髯處怪六花一夜白盡江山長空舞絮漫漫
縱漢苑吳宮夢裏看喚燕支小婦霓裳夜讌迴波別隊
毳幙春寒滿院紅肌一簾香雪老放英雄此內閒吾狂
甚嚮畫中笑乞最後雙鬢

題竹逸小像

像在萬竿翠竹中

誰伴先生茗椀鑪薰書籤筆牀記慈恩釋褐名喧三殿
定昆乘傳檄諭諸羌萬里辭官一身入畫抽却朝簪換
芟裳琴樽外更陰陰空翠箇箇篔簹竹郎閒與評量
論樑棟何須羨豫章任截爲拄杖躡他嵩華劈成橫笛
吹出伊涼根作龍拏節如劒拔誰許斑痕上苦篁聞言
喜竹得風而笑滿院笙簧

曬書

憶昔吾家有萬卷樓城西亳村自江陵道盡牙籤半失
咸陽焰熄玉軸猶存借去一瓶亡來三篋墨化妖螭赴

海門無多剩似亂餘故舊賣後田園
叢編暇日還捫
與藥裹零星曝滿軒任半生穿穴碎同
蠹蝕有時發作
陡若龍掀貧極須捻
杜詩盡捻書籍賣來問爾東家
老來怕讀閒對秋
陽自較翻吾休矣亟束書高閣且曬吾禪

懷程崑崙

山西武鄉人舊判鎮江陞任安慶同知今為耀州守有文名

疇昔從公上松寥山觀北府兵正
魚龍蒸黑魂魂海氣

水雲淦白滾滾江聲采石乘潮皖
桐移鎮異代龔黃此

大名蘆溝驛恰飛書寄我感念平生

庚戌夏濬河署申接崑崙鄰門札

一麾出守孤城又重向咸陽道上行
歎地名殺

耀州

漢殺 朔地黃沙颯沓天空盤屋紅樹縱橫
落照窮邊壯年薄

宦手板將迎歲月更驪山頂望并汾秋色一片鄉情

懷畢載積

山東淄川人
舊通州守

憶與公游在癸卯冬余方數奇恰軍山萬疊奔濤駭浪
後堂十夜急管繁絲頗怪推袁非由說項意外深慚國
士知顛狂甚曾雪天腰鼓上屋梁騎 入春又賦將離
悵別緒茫茫不自持正魂銷去國燕泥剛墜神傷餞客
柳帶將垂記得微波送君淮浦倚棹偏於漂母祠臣老
矣念王孫一飯欲報何時

甲寅十月余客梁谿初五夜剛半忽有聲從空
來窅然長鳴乍揚復沉或曰此鬼聲也明日

鄉人遠近續至則夜中盡然旣知城中數十
萬戶無一家不然嘻亦大異矣詞以紀之

葉黑楓青紙窗碎鳴其聲寥然似髑髏血繡千般訴月
芻靈蘚澁百種啼烟鴉嘯駟張猿吟淒異崩剝前和樹
腹穿親曾聽在他鄉獨夜老屋東偏 詰朝遠近喧傳
徧簷雷啾啾却復前豈長平坑卒盡憑越覘東陽夜怪
羣會吳天滿縣彭生一城伯有鬼董搜神仔細編然疑
久怕難探龜莢且問筵尊

呈伯成先生和仲震原韻

耕二頃田栽八百桑何時始諧只強弓硬弩消磨歲月

素箏濁酒開拓胸懷白晝栖栖青袍鬱鬱世上何人管
樂才狂歌發正半天松響大海瀾迴 多公酷愛輿臺
笑昨日于思今復來且東籬載酒看殘黃菊西園把袂
踏破蒼苔萬事糾紛一身偏側舍此吾將安適哉吾休
矣任齒同馬長耳似龍乖

薛國符方伯招飲留宿園亭

秋色玲瓏夜火參差飛欄複廊更丹楓黃菊綴他簾幙
紅欄黛閣映在池塘岳牧崇班溪山傲骨小築烟霞彷彿
豫章環堂後走匡廬雪瀑彭蠡銀瀧

公初從江右歸

酒酣萬

感茫茫說番舶曾經犯瘴鄉

時話昔年粵東圍城事

正全家百口

鷓啼珠島孤城大海兕吼花洋亂後名成兵餘興嬾又
見蓬瀛好種桑揮杯勸任接天烽火穩卧滄浪

秋夜聽梁谿陳四丈彈琵琶

瑟瑟陰陰嗟哉此聲胡爲乎來似靈鼉夜吼狂崩斷岸
角鷹秋起怒決荒臺忽漫沉吟陡焉掩抑細抵游絲綴
落梅冰絃內惹一宵涕淚萬種悲哀十年前記追陪
乍握手霜燈暗自猜歎朱門酒肉誰容卿傲梨園子弟
總妬君才牢落關河聊蕭身世迸入空庭小忽雷顛狂
甚罵人間食客大半駑駘

贈別龔佩紉

南郭先生門巷蕭疎庭除寂寥恰一灣蓼岸遠檣列薺
數間竹屋夜雨鳴濤曾記當年浪游京國燕趙悲歌也
自豪歸來後喜依然三徑仲蔚蓬蒿 乾坤羣盜如毛
歎萍梗吾生信所遭且風燈擘阮和之檀板烟帆醉菊
侑以霜螯十日聯牀一尊下榻白飯青芻累素交明將
發怕空江疊浪萬籟悲號
留別韓聞西
昔客京華花月無愁文章有神記歌終慣竊念奴笛曲
酣來曾吐丞相車茵俠骨嵯峨壯心騰上肯受藍田醉
尉嘆休羈絆笑本非殘客詎是窮賓 百年幾度佳辰

且乞取溪山自在身想後園鶯啣新簧尙澁小橋梅事
瘦玉將皺戀棧何爲脫鞵亦可歸趁風光弄早春難忘
處只隔窗燈火兩月情親

題袁重其負母看花園

吉貝沿街枳殼叢葵榴映牆算三牲五鼎貧家時缺
千紅萬紫夏日方長衣著斑斕躬爲病僂負得萱闈出
北堂藍輿少笑相君之背輒勝匡牀 筓籬藥塢徜徉
惹白髮逢歡意轉傷記早年歌鵲花誰上髻中宵刺鳳
草盡縈腸人說兒賢天教孃健描畫還憑顧長康披圖
羨較看花上苑事定誰強

贈徐竹虛

竹逸令弟
家有我園

彼君子兮菴竹青青而中若虛是何家第五名齊驃騎
蜀中揚子賦似相如疇昔賢兄滇雲遠宦常羨優游下
澤車今偕隱成往來二老西澗東畚我園景物蕭疎
有雪檻烟廊水竹居算磕頭促膝一羣梅鶴望衡對宇
幾箇樵漁與我周旋小園日涉近手花枝壓架書他家
事笑平泉綠野久作寒墟

舟過楓橋見鄰舫女郎倚舷攬鏡同弟緯雲賦
節是花朝地是姑蘇天又新晴見參差畫鷁紅欄粉幔
嬌嬈飛燕翠袖銀箏眾裏一人悄焉自惜出匣圓冰響

一聲玲瓏甚爲綠窗浸水覷得分明
酒潮激灩初生
便周昉丹青寫不成正畫眉橋畔簸錢年紀
芙蓉灣後
撩髻心情百幅鵝黃半篙鶯脰碧浪東吳處處平誰藏
取又一輪春水纖笄斜擘

贈雲間何伯輝

工治目疾

有地行仙作大藥王我今見之自兩儀失曙光翻銀海
百靈奮怒訣付金鏡日月爲璫陰陽作冶爭禮光明藏
導師分明甚見月中蟾兔世上醯雞
古今幾箇英奇
戲邀取先生妙手醫是周時老輩盲餘左史秦庭烈士
矐後漸離半黍空青幾莖仙瀝發覆開矐在此時吾還

乞爲看花霧眼并仗君治

初夏同徐季重張邑翼朱致一葉九來家躬乙

汎舟郭外追晤葛龍仙於攸聞上人精藍兼

送龍仙之西村別業

半艇晴雲兩岸疎花渚禽喚風正坦迤江郭繞籬竹樹
零星烟寺映水簾櫳斐几明窗禪牀茶磨天許閒人片
刻同僧廚綠是豆香乍摘笋嫩纔烘何須避世牆東
有無數前游似夢中記當年漫興流連花鳥平生豪氣
傲睨雲龍能幾何時一寒至此對坐相看鶴髮翁桃源
路倘漁郎尋到莫遣雲封

灑堂先生客南昌幕府屈首經師已踰兩載甫
歸廣陵詞以訊之

以磊落才而注蟲魚猶然譏之况鬚如蝟磔縮居幕下
興同驥渴屈作經師車廐三間兔園半冊求我童蒙極
角兒真奇事似販茶商婦出塞文姬 墨應盾鼻能爲
乃夏楚終朝手自持更灌嬰城下三年烽火彭郎山後
一片旌旗月黑燈青樽空夢破想見書堂兀坐時歸來
髻惹小蠻忙問雪到如斯

題汪舍人蛟門少壯三好圖

圖作羣姬挾箏瑟

鸚鵡貯酒其旁圖上題詞甚多豹人則欲開
閣禁釀于皇則欲焚硯燒書二說紛然余故

長月

作此詞

酒庫經堂正競箏琶客聲沸然是秦川遺叟整襟而入
杜陵野老裂眼而前或導荒淫或規放誕莊語詼辭盡
可傳喧豗甚似輸攻墨守訟芋爭田不聞博奕猶賢
但適興焉能便舍旃况漑堂集內頗言聲伎茶村暇日
詎廢丹鉛卿論誠佳吾從所好亟喚蠻娘鬪管絃牙籤
畔漸玉簫風起吹動觥船

酬贈黃交三即次原韻并示尊甫仙裳賢昆月

舫

三四年來老情亡聊惟耽小詞任世皆嗤僕為無益事

人方曰我是有情癡花月前生水天別館似夢年光暗
裏飛菖蒲紙把心情淡寫偷寄崔徽君才十倍陳思
恕愁病羈窮屬和遲況豪吟老庾聲情磊落狂歌法護
才調恢奇我渡京江重游隋苑惆悵閒行杜牧之當年
事記萬家水榭紅袖齊垂

戲咏閨人踢鞦韆子者

嬌困騰騰深院清清百無一爲向花冠尾畔剪他翠羽
養娘篋底檢出朱提裹用綃輕製同毬轉簸盡牆陰一
線兒盈盈態訝妙踰蹴鞠巧甚彈棊鞋幫只一些些
況滑膩纖鬆不自持爲頻誇猴捷立依金井慣矜波俏

礙怕花枝忽憶春郊回頭昨日扶上闌干剔髻絲垂楊
外有兒郎此伎真惹人思

老至常閒惟藉鈔詞以永居諸買衍波萬疊燃脂暝寫
薛濤一篋映雪晨塗甲乙周秦摒擋辛柳卷比牛腰一
樣粗掀髯笑任字嘲類疥墨晒同豬 今年紙價如珠
問洛下當年有是夫縱畫他灰焰還疑帝虎刻他竹粉
莫辨之無已矣途窮幡然事濟昨種芭蕉十萬株成陰
後取花間全集作擘窠書

人氏目題徐禎起六十斑爛圖

老友者誰城北徐公舞衣斑斕有豆區一畝藤花半架
晴山萬疊碧浪千灣隱不求名憂甯用老竹戶蓬門盡
日關家庭樂喜龐眉矍鑠皓首團圓相從樵父漁蠻
只戲鼓歌樓恣往還笑鼎鼎朱門幾人親在番番黃髮
誰便身閒何似貧家蕭然戲絲六十兒從膝下頑佯蹉
跌惹八旬堂上莞爾開顏

贈宋御之

君果然耶五十之年而僕如之記王珣宅畔呼鷹盤馬
伍胥塘上賭槩圍碁一水青山滿船紅燭縮定垂楊萬
縷絲蘭亭會正客逢雨後人到春時如今舊事難追

海濱木言集卷一
三
被海水天風瀕洞吹將曹劉沈謝捲同粉絮或縈簾幕
或墜污泥南國風流東都耆舊幾箇樽前某在斯吾與
汝似春歸蝶舞花盡鶯啼

送友入山採茶

十里溪山竹粉纓巒風藻川有蒙茸蘿葛蔽虧曦月
坦迤澗壑向背林泉夕渡遄歸晨漁緩出谷唱潭吟韻
邈綿居此者是秦時毛女漢代琴仙 人家四月開園
送君去剛逢穀雨天恰晴村綠掩數間僧竈清江翠箬
一帶商船拍處盈盈焙餘冉冉歸卧迴廊瘦石邊松濤
沸正龍團乍碾蟹眼初煎

梁谿西郭外有芹野草堂吾宗沂州公別業也
公子某豪情斯在治習未忘乃以李氏之平
泉用作井公之博進千金一擲園屬他人迄
今已三易主矣公四世孫集生暇日扁舟經
過此地臨風感舊惆悵絕多作詩紀事同人
俱有和章余亦填詞一首

過西定橋有芹野園崢泓坦迤記花闌藥嶼島何澹澹
烟汀雨瀨水太羅羅樂去爽鳩愴深銅狄牧笛吹風夜
起波憑高望悵舊家光景邈若山河 小樓一棹經過
奈三度亭臺易主何縱王孫無恙東風認否主人重到

燕子知麼笑說當年擣菹一擲絕似名姬換馬馱君休
恨較臨春結綺博進誰多
胥母門邊暴雨奔渾盤渦撞春見後潮文種銀袍鞢鞞
前山鄧尉黛髻迷濛我豈茶商得非估舶詎少家園半
畝宮因何事唱江樓囉噴愁水愁風須臾窈窕冲融
又浪靜波恬漾遠空正淫龍歇舞天連島外渴烏乍躍
日在禺中了了層青迢迢一碧依舊殘汀野廟紅吾長
笑笑向來作劇多事天公

由丹陽至京口舟中放歌

月黑慶亭風吼練湖雪山皚皚正楚天欲壓檣多于薺
吳波乍染岸碧如苔對此蒼茫居然遼落記否江東出
霸才斜陽恨惹行人憑弔商女悲哀丹徒客昨帆開
問劉季奴今安在哉奈六朝剩壘沙淘浪洗千尋斷鎖
雨蝕烟埋下瀨艨艟橫江士馬重見連雲列戍排吾衰
矣且沽京口酒上妙高臺

從盱眙山頂望泗州城

立而望之松耶柏耶其盱眙乎見半空樓閣林巒掩映
從風城郭沙澗縈紆却顧泗州窪然在下呀者成邱水
一盂中央者界幾條冷瀑一綫明珠洪濤日夜歸墟

有鐵鎖浮橋控舳艫看奔渾檣馬神功混淼轟逐賽鼓
天籟謹嘑十廟弓刃百年帶礪落日平田噪野鳥堪憑
弔悵歌風亭長泗上雄圖詎平良半空對閣林樾黃州

月夜渡江

粉月一規雪浪千條何其皓然正稀微吳語佛狸城下
參差楚火胡豆洲邊忽聽江樓誰吹橫笛今夜魚龍詎
穩眠推篷望見秣陵似夢瓜步成烟揚州更鼓遙傳
記小杜曾游是昔年奈邇來情事鬢絲禪榻當初況味
綠竿紅絃萬古精靈六朝關塞都在螭磯牛渚前吾長
嘯把一椀在手好箇江天

秋日登姑蘇元妙觀彌羅閣

肅肅多陰蕭蕭以風危乎高哉見飛甍複榭虹蜺鞦韆
梅梁藻井龍鬼毡毳燈燭晶熒鐸鈴戛觸虎篆雷音百
幅裁鏘劍佩是南陵朱鳥北極黃能玉玲瓏月殿雲階
況珠斗爛熳絕點埃正井公夜戲犀杵象博麻姑盡降
繡帔瑤釵叱日呼烟囚蛟鎖魅五利文成未易才銀鸞
背笑蟾蜍窟裏金粟爭開

爲錢塘女史雪儀作并戲示雪持

髣髴影疎蕪吟卷叢殘諷淨名經忽誰家偷遞香詞一篋
人間那得璧月雙星頓惹詩顛重溫昔夢綺語瀾翻戲

未能吳山下想歌飄檀板酒點銀瓶龍堂已泮春冰

說小妹天人嫁許曾

雪儀妹已許字龍舍人二為

只捧心處姊鶯啼

南國掃眉才子蝶怨西陵綠萼為媒紅絲作聘竚盼飛

瓊入畫屏東皇約要兩般艷雪玉戲前櫺

時雪持有待闕鴛鴦之意

故為兩雪之語

咏硯為李若士賦

若士時將入楚

氣林寒射秋故籟

誰向螭潭剗紫雲肝鐫白玉脂便曹王臺上嗤他銅雀

徐陵序裏輸却琉璃瘦比龍精嬌踰鶴眼蒸出韓文與

杜詩窪而黑是媧皇煉贖羸政鞭遺醉磨盾鼻能為

還笑倩防身鳳味隨但每看劍動神先跳盪時聞笛起

興更淋漓此去衡陽祝融峯上要寫懸崖百丈碑顛狂
甚叱青猿代捧蘸墨親題

題崇川范廉夫松下小像

友人女
受長公

松下誰耶玉貌臨風于思于思正濤翻翠鬣支離拗鐵
霜凋黛甲剝裂侵苔韋偃皺成畢宏畫就戰壑干霄未
易才因何故却嗒焉若喪萬慮成灰 琅山紫颺喧
還記得君家往事來有四海賓朋極天甲第滿堂絲管
夾水樓臺如此兒郎居然漂泊范叔寒今至此哉長安
道且歛歛話舊懷抱誰開

題玉山長小像

己卯之秋余甫成童流觀簡編見諸省賢書楚材最妙
於中傑作數子尤傳舊雨石霞金昆亦世先後同吟杖
杜篇昭邱上只思君不見君在誰邊 相逢各已華顛
算燕市論交亦偶然嘆破硯枯琴此間孤冷豪絲脆管
別屋天妍三尺生綃一泓冰雪貌爾蕭疎老鄭虔掀髯
笑笑人間何限圖畫淩烟

咏慈仁古松送陸蓋思歸錢塘

種自何年金邪元邪穆乎高蒼恰崩濤亂瀉熊啼兕吼
枯根直裂虎跛龍僵客有將歸我來樹下萬斛藤蘿漏
夕陽摩挲歇笑樹猶如此時代蒼茫 青春正好還鄉

只唱罷陽關易斷腸記前月揮鞭將游梁苑今朝分袂
竟返錢塘世事何堪人生難料柿葉翻時又悼亡歸休
恨有一湖晴淥西子新粧